



谷口山房詩集

燕臺續集

新城罷後生計無聊壬子秋北入京師
依黃岡夫子幕下棲遲困頓閱癸丑至

甲寅會保舉檄赴軍前乃出
凡得古近體詩六十五首

涇陽李念慈劬菴甫著

寓定

飢來求飽困求眠盡日無營手一編頗喜多時鄉夢
絕不教千里客情牽學疎愁恐虛來日戰勝肥看異
去年但使老親供養足此身窮達任茫然

送王子重下第還黃州

不謂長安裏秋深送子歸暫將鵬共息恰與雁同飛
斷筍閒關遠趨庭心事違學成寧患達霜重慎霑衣

其二

轉眼六年別相逢各自猜君今落第去我是罷官來
故國俱回首離筵一舉杯踟躕聊盡醉莫負菊花開

榻成

土堇從燕俗因爐卻夜寒多愁常不寐將老但求安
忽忽年華暮悠悠道路難棲遲何所事獨坐意辛酸

述懷

貧賤寧吾患淒涼爲老親養生聊自託結客意難伸
骨肉仍分散生涯困米薪何時饒白粲堂上日留賓

壬子長至客京師作

三年真免倒衣裳屢歲逢冬只異鄉昨夜吹葭陽又
轉誰家刺繡晷初長嘶風病馬懷春草帶日寒鴉散
曉霜醉後顛狂君莫笑桑乾西望斷人腸

旅夜

將老迷生事失意走京華因人且飲食故鄉望轉賒
長安多朔風歲暮揚塵沙一室閉寒威支牀因土苴

名曰山房詩集
鄰屋多久客板壁相間遮五更霜氣入展轉聞咨嗟
咨嗟亦何爲各自思其家嗚呼逆旅情有似難棲鴉
俯仰鮮長策我客安有涯

出飲

長安繁華地陽春艷冶時羣生各有適我愁獨無涯
伊昔對彤廷名次亦非卑勵情服官日學行或有施
一改理瀛海再改令東陲民貧賦多逋無米誰能炊
頗爲蠲荒請經營活殘黎事成身不待令甲促程期
一官已微末去我忽如遺雖復更兩任拙性不營私

瘠田破百畝荒弃長蒿藜妻孥何足念老父暮苦飢
以此歸未敢騎驢走京師但思傭筆墨聊用給粥糜
吾師惻然念召我館粢之遣愁夜微醉畏寒起每遲
臥起一室中歲月潛已移愧乏尺寸効飽煖益可悲
拜訪弗能絕會飲多招攜所慚齒老大坐次多見推
覲顏僭尊貴隱年柰衰髭誓欲屏來往畏人反怪訾
貧賤應自責使驕豈其宜怡然還赴飲且得把春卮

詩成

將隱詩難廢應知尚近名途窮還自遣歲暮屢相驚

俯仰疑身世幽愁送此生
伴人惟底物那許一無成
霜月

霜月寒逾白流光夜正清
多從愁裏見偏向客窗明
故國思千里華筵散二更
踟蹰眠不得獨步有餘情
得晤姚彥昭孝廉

倒屣及清晨聞君在近鄰
相逢頻拭眼話別轉傷神
時命晚應達交情老漸真
牽衣酒樓上細問舊遊人

贈陳印倩處士

西山寒翠鬱岩堯上國松
陰迥未彫洛下文章騰玉
版髯中霜雪照青霄從遊
自昔傾台省大隱何妨倚
市朝獨見少微依北極青
尊玄草坐相招

贈成我存給諫

先生清節照寰中矯鶴孤
標迥不同瑣闥晨趨雙簡
白書窗寒對一鐙紅驚人
氣岼原家學名世文章仰
國工梧掖自蒙優詔入幾
籌邦本達宸聰

病後

中宵何事意酸辛藥爨烘
爐苦趁人客路經年殘臘
至天涯獨室一鐙親多櫻
病疾知衰老畏觸風寒柰

賤貧便欲及春歸故里生涯蕭瑟轉傷神

題友人觀奕圖

支頤冷眼鬢髮壁上
看軍意正酣審勢全羸應更
慎輸人一著不須慙
戀觀乍擬留王質疾下何妨著
李憨解得局中都是幻宣城立保久抽簪

遣使

使去身留又一年封書欲付淚潸然
飢寒驅我定爲客窮達隨時莫問天堂上
嚴親望京國闈中思婦老秦川嬌兒生未窺
耶面衰病何時到汝邊

聞韓燦之齋中梅花盛開作詩貽之

聞汝齋頭蚤放春白于玉蝶絳如脣須留官閣香迎
客莫遣羅浮夢損神

答燕客自歷下寄詩見懷來詩用河之水

歷下棲遲近二年與君相倚實相憐因知慷慨悲歌
士千載流風只在燕

其二

落拓孤行漸老身半生急友不憂貧寧將褊激狗知
已恥作悠悠世上人

名
其三
我去君留會未期纏綿情緒兩人知殷勤爲賦河之
水嗚咽應無斷絕時

其四

人事人情盡可哀孤踪獨立在燕臺素書羽柱皆成
束半是山東寄得來

長安冬杪贈林幕僚

憶昔相過興每乘藕花池上月輪昇弄芳偏喜露微
雨釀酒應還記老僧幕府清風吹短髮帝城殘雪

近春鐙重來不用傷樗散舊事回頭已不勝

壬子除夕長安旅寓作

最惜流光逝不還客窗獨坐意凄然他時除夜懷茲
夕明日今宵是去年半世行藏三已後萬端心事一
鐙前孤踪萍梗何當息短髮星星早上顛

癸丑元日

元日忻逢暖氣饒墨池書幌凍全消窗間試筆迎新
旭戶外鳴騶散早朝閱世那應常道路謀生只合傍
漁樵長安車馬多尊貴獨有春風向寂寥

米鐙成絲勝鏤冰穿珠乍擬露華凝米家更有堆紗
巧盡使朱門厭浙鐙

探春

卷枝簇萼最先春錯玉蒸香氣色新獨有長安雪中
見煖簾溫室最治人

呈計甫草孝廉

寓居喜與汝爲鄰削跡相看老大身數頁觀書聞薄
壁扇爐分火共清晨文當疑難爭常急話到行藏語

最真每是夜深攢飲罷同歸各別歎聲頻

春夜看月

雲薄天清萬里長中庭客散月留光總非逆旅還愁
思不是春宵也斷腸何處樓中貪泛綠誰家機上怨
流黃長安酒肆堪眠臥檢點曾無舊鸚鵡

贈容齋弟侍講

時自司業遷入

紫禁春還到邇英僊人供奉玉班清卽看討論膺宸
眷從識文章重國楨太液池臺觴處厚園橋弟子思
陽城吟詩夢遶藏書閣草滿橫塘綠盡生

得家書

客至頻聞信今晨喜得書老親相慰藉絮語及田廬
因識新年健真聞舊疾除旅愁爲暫釋未敢計歸與

問客行

客從故鄉來言曾過我廬長跪動問客老父近何如
答言行步健下階不用扶兼能善飲食潤澤見肌膚
大端亦已慰中心轉躊躇我父平生好多爲貧乏拘
所好在賓客無以克庖廚好騎良馬出病後愁少平
肩輿愛烹甘泉瀹苦茗無錢那得多蓄儲有弟在外

但狂趨慈也負米長征途室中不肯置姬侍扶持早
夜惟庸奴况復舉家繁食指籌畫日計多勞劬瘠田
未盈百畝餘委奴不治日荒蕪春秋有吏在庭戶所
入不償公家租蒼天生我胡爲乎自憐不如反哺烏
何日粗足米與蔬餘錢兼可具酒脯歲時召客爲歡
娛長使老親志意舒

東風

東風亦自好風急盛塵沙春冷難晨起年衰惜歲華
酒人招屢去花樹坐相遮爲指西山裏碧雲路不賒

虞天玉同年視學江南

花飛鶯語送星軺
簡命新膺出絳霄
天下文章江左盛
衆中光彩使君饒
升堂化雨陶羣彥
退食看山憶六朝
肯念故人違宦達
長安旅食近無聊

成我存諫垣招飲

姑射僊人海鶴姿
筵開春暖把春卮
飽看修竹掖垣迴
還憶垂楊馬塢嘶
原道文章天最近
畏人清節主先知
長安此去花無賴
拚醉從遊杜拾遺

送郭介繁同年視學滇南

卓犖林宗後視學
赴昆明仕宦至方
面位望亦非輕
職司况文章遠勝
錢穀訟牘紛填并
最績 召還天闕下
十年當可至公卿
卽今遠邇皆王事
振興文教賴持衡
慈也失路走帝城
鼓刀未可還筆耕
膝下無人甘脆缺
徬徨不得返柴荆
豈無親識稍顧念
往往德色見豆羹
蒙君憐我如弟兄
送君遠邁搖心旌
汾陽將吏驕且橫
意輕王臣勢莫撓
束以文法驟豈平
漸摩疆項用至誠
事濟寧須名崢嶸
瑣細要難盡激爭
顧我廢棄言莫聽
心念此事憂怛怛
君去敷

教惟廉明劑和大吏功可成感君真率異世情不惜
懷抱爲君傾

送前侍御召林弟謫令信宜

抗疏文章百代看春風匹馬出長安誰教鸞鳳違朝
日若爲松筠試歲寒雙鳥自能朝魏闕孤忠真欲障
狂瀾嶺南風土吾曾習到日先嘗玉露團

定西侯唐太夫人六十壽

茅土勛庸舊萱堂闕閱高長筵傳鼓角列戟綴旌旄
衛幕膺崇錫潘輿下九臯龍旂恩屢紀燕賀喜常叨

冢嗣承簪笏諸君並俊髦領州蘇萬堵視榷出千艘
甲子週還始期頤至不勞綵衣孫子列紫誥鳳鸞褒
文武猷同茂昇平箭永張年年長此日淪菊進香醪

擬瀛洲亭應制

十二層臺御苑西華亭春敞接丹梯應知方丈瞻天
近只合僊人跨鶴躋多士來遊紛劍珮同官旣醉散
鳧鷖侍臣親與昇平宴簇指雲中彩仗齊

擬瀛臺召試應制

鳳紀鴻猷盛龍池太液春九重開旭日萬里靜風塵

卻月朝光啟凌雲瑞靄新右文勞 睿鑑核實進詞
臣閣學宣題目 王言煥綉綸自 天瞻穆穆就列
肅彬彬露湛霜毫潤瑤頌玉版伸齊霑恩有渥莫頌
德無垠御柳交垂翠瓊樓迴照銀那能窺遠海真擬
到天津鎬在同靈囿汾歌和水濱豈因張麗藻直是
勸臣鄰夏諺懽遊豫堯民仰 聖神時聞講軍實兼
可洽朝紳待從同應召芻蕘得竭陳小臣忝殊遇何
以答尊親

擬南苑大閱十二韻

二月春風滿建章旌旗獵獵出長楊 君王廣運兼

神武士將深謀祇肅將弧矢威行臨薄海梯航使在
震殊方瞭鷹臺下千營列秣馬堆邊萬騎疆格遠舞
于遡虞舜自天錫勇頌成湯大風歌奏饒吹競吉日
車攻士卒良七伐無愆嫺步驟六師不戰自張皇如
山勢屹誰能撼若月旄懸詎可當黃鉞自麾行列校
瑯弓親挽帥諸王聽螺惟凜天威近解甲還霑 御
酒香士氣齊騰雄帶礪民生永奠固苞桑春蒐豈但
觀兵出耀德恭添萬歲觴

喜聞家鄉雨足

故鄉雨今足色喜望柴荆我田雖不治萬家得春耕
閭巷多菽粟日食亦易營既辭五斗米當作南畝氓
風塵塞道路胡爲日遠行逝將捨此去適我田野情
二月氣暄暖春苗齊發榮攜童出村落倚樹聽流鶯
種秫希陶潛鋤瓜憶邵平樂志無他慕庶幾遂此生

雨

畿輔三春旱今朝始沛霖雲雷咸帝力仁愛見天
心耕鑿吾將老飢寒忍更侵故鄉亦霑足歸興正難

禁

處士歎呈孫豹人

山澤多餓死麟鳳遊京邑豈不傷至性所急在芻粒
我從山東來罷官行乞食顧見長安中處士亦羣集
相逢塵土裏顏面多倉卒我友孫豹人遠自邗江入
是時方十月北風鼓寒慄瘦顏髮垂素敝裘不掩膝
慰勞未及罷喟然發太息爲言苦別後生事更蕭瑟
妻子飢欲死身老敢自恤我本爲親養奔走還汲汲
干謁須諛佞欲語常苦塞懷刺半磨滅在轍聊煦溼

淒涼廡下春慘澹投前筆况今時勢殊中外咸窘急
泉刀鬱不流所在竭民力公卿雖復貴七箸有愁色
民貧俗日頽窮乏無親暱往往骨肉間話碎生赤仄
自給且不暇誰能念車笠覩此軫時艱不獨慮家室
飢餓滿天涯我愁方孔亟

贈孫豹人

邗江一別五經秋燕市相逢淚暗流病鶴低空君可
念飢烏繞樹我何投多因老困催衰白豈爲妻孥急
遠遊滿眼鶯花非故里長天春望迴生愁

其二

拚老江南有定居重來洛下意何如吟詩莫信悲歌
慣入世真愁禮法疎青眼故人還詫鳳朱門食客久
無魚蟹蟲閉戶猶行邁腸斷天津一紙書客臘豹人
自天津寄

予書有當蟹蟲閉戶時
我輩皇皇道路之語

長安東曾庭聞同年

曾先是薙髮入山今復
稱太夫人命借計入都

白髮頭陀棄笠瓢數珠挂頸住僧寮科名苦道因親
出褊性惟應對佛消楊柳汁濃堪染袖桑乾霜白憶
題橋關門避客仍禪定肉食何由得見招

長安喜晤劉淑止孝廉話舊并及近日仕宦之

難

少小同遊各盡懽故人今已半衰殘公車見爾偏生
喜旅食愁予早罷官短袖登場垂手盡洵濤把楫掉
頭難春融上苑花千樹好向東風著眼看

紀夢

夜夢姬人持贈三物
莫得其解詩以紀之

作客常有營不敢懷鄉縣奈何所懽人忽向夢中見
乍似寄人居高堂連深院我馬有行色促入一相眄
顛顛帕覆額流淚被滿面進前疑有請欲語意先眩

玄菽雜雪杭玉梳紙封半手中持此物顧視若爲
含情終無語垂首應多怨物理固難解夢境亦屢變
出門還上馬疾去如掣電丈夫久四方不爲兒女戀
頻年困征途辛苦難汝瞻吟非歎白頭事異悲團扇
別離可相忘飢寒能勿念

客歎

我生亦有家胡爲日天涯食指仰一身焉敢緩營爲
衆方競苟得守拙數每奇譬彼飲露蟬辛苦抱一枝
官場異喧寂仍復相追隨笑語非吾懽宴飲敢辭疲

違心承人意顏面多忸怩如此希升斗病豈減夏畦
長年困羈旅終難給薪炊薪炊皆心力家人那得知
有感

客行總樂不如歸况復寤愁日掩扉學愧年衰求解
淺懶添春困喜交稀本同拙婦寧辭棄已是飢鷹敢
浪飛聞道野人滄海上輕鷗無數盡忘機

因姚彥昭寄懷方田伯

龍眠好友見公車問訊平安但索居愧我日求五升
天因人空寄數行書頻年飄泊故鄉遠萬國窮愁生

計疎知爾更多婚嫁累那能高臥穩田廬

思歸行

生不逢懷葛與羲皇誰能飽食無憂傷長安貴遊多
年少自慙罄折形倉皇文章未可裨緩急安能趨走
空踉蹌君不見雲中有鴻雁山中有麋鹿彼豈能夙
儲芻蕘與稻粱一飽不知來日事未聞紛紛餓死道
路傍豺虎攫人腹常果家狸善媚食乃夥豪彊諂佞
皆飽煖落落誠知吾計左權貴門前多長裾魚肉滿
堂食客坐飢來驅我思變策還顧骯髒復不可故里

有廬谷口東門外李白桃復紅日食脫粟擁圖籍暮
吸濁酒吟春風鼓刀亦可得甘脆力田豈得無年豐
人生衣食固有分未必青山負老翁

幕中讀書歎

憶昔年少猶如昨所見能爲矜穎脫精神健旺常有
餘鄙事紛馳供娛樂碁枰畫筆日在手文章經籍翻
高閣瞬息中年困衣食漸次服官遭束縛坐惜少壯
成拋擲忝竊虛名心內忤卽今衰老無一就所事空
慚競弩末圖書披閱那復記詩句手刪悔嚮作已驚

遲暮眼光暗兼苦憂傷心力弱飢驅誰能免奔走病
侵恐便填溝壑希進忍投去病門懷恩且就鄰生慕
西歸難堪吟見肘北來日見行垂橐骨瘦畏逢時眼
嫉才拙寧關世態薄常侍才名晚始達杜陵官職終
寂寞古來賢俊皆如此况我疎頑少壯略伏櫪應同
上阪馬凌霄敢羨鳴臯鶴攤書讀罷一長嘯極目高
雲意寥廓

清明日同友人出飲天寧寺

出郭正逢百五日攜朋恰共兩三人且須對酒開愁

眼莫漫行歌損客神
隔歲閨催花信早
近城陽入柳
條新風光遍野
吾初見老大真
傷負好春

送張公振孝廉旋里

長安客歲見秋鴻
喜爾名高桂籍中
親戚快談逢北
上家聲重起望南宮
霜蹄偶蹶非關戰
雲翼行搏稍
待風歸日傳言君
外姊黔婁雙鬢已成翁

宮怨

自少金錢賂畫工
難將顛顛怨
漢宮
須垂
掩燕子來時信
未通細草空餘承
露
飛花

枝紅相如總惜千金賦
不擬高唐赴夢中

春日

茅堂向日還巢燕
老樹逢時亦著花
笑殺休官
宰年年春色在鄰家

新婦

新婦容顏比薜蘿
粧成心擬衆人誇
阿婆藍樓無兒
女偷借鄰燈夜績麻

使至

使去還來道路長
家書今日到他鄉
畏聞生事真多

累喜說親身近稍彊旅食頻年愁米貴嫁衣終日爲
人忙長安春色彌天地盡逐流鶯入建章

聞滇閩粵三藩告老各允歸安插

惟皇御極十二年九州四海少鳴絃鯨波伏莽俱
已靖轉輸無憂甦倒懸諸王擁兵過百萬南北協餉
尚騷然四方八里六時有老弱豈盡免顛連按括利
孔無遺剩鎔銖亦入公家編蠲租之詔雖屢下天
下百姓無一錢泉刀不流征求急穀賤傷農更可憐
卽今百貨亦俱滯本末困敝交相煎時平養兵應有

法朝廷亦多請屯田下議諸方無一應始事豫畏
責成嚴近聞三藩各疏入自求歸老釋兵權從此兵
解餉亦緩賦歛得薄民息肩滇南閩粵反側地彈壓
正須計萬全往者君側跋扈在臆粗頗懾東南天
相維亦藉外重勢廟算自有命世賢愚拙計短安
丘壑日高無事且晏眠

懷常靜伯內弟

羈棲每望家鄉遠垂老常思骨肉親錦字遙傳初獻
歲梅花空寄又殘春應愁婚嫁多爲累須信文章困

名曰山房詩集
有神惆悵吾生逢晚近命途窮達總休論

寄姬人

望夫涕淚尋常溼。哺子辛勤日夜難。總使歸時人未老。也應憔悴不堪看。

長安送程然明代李子靜閣學將眷歸吳卽之

楚赴其幕下

程五齋頭乍見時論文把酒定交知桂林出守無消息
卽程五洛下逢君慰所思鷁舫將家敦友誼龍圖
周量也王師長安折柳情何限楚水吳山有後期

壽梁仲林司空十二韻

司空獨立表清時經國心勞費未絲庶績奮庸尊魏
闕萬年純德莫嘉師老成濶略真無匹文采風流近
在茲畫手煙雲三殿重建言風節兩朝知詩篇工
部原光燄節鉞雄藩待保釐帝簡久歸天下望

臣清寧結禁中兒能貧自昔公何忝數抽于今我
更奇南郭未忘操翰墨西園猶記把花枝常寬禮數
容疎放許接芳筵覲委蛇四月微薰吹畫閣百壺醇
酒際昌期大椿堂上雙增慶雛鳳階前竝有儀已捧

龍顏翊景運須承鳩杖慰龐眉

長安送王子允歸省

時子允侍父養在京會湖南兵亂急歸黃州將奉其

太夫人避地樊湖汉中恐有小盜且不宜以輜重往

三春將母兵戈裏萬里趨庭雨雪身聚散無端來意

外征途各自念江濱倘逢梅使須傳信不是桃源莫

問津混跡林臯憑道力好牽蘿薛護松筠

谷口山房詩集卷之六

南遊續集

通籍後里居年餘念從此一行作吏則山水友朋之緣不復得暢適滿志庚子

春遂治裝出遊登太華而後出關却北渡黃河訪同年毛錦來司理于平陽遊典頗適秋乃越

太行自興華至渡道深宋至廣陵居停係豹人既堂時同年王元亭為司理四方詞人多有

至者往還讌集頗盡詩酒朋遊之樂酣暢屢月顧自平陽攜來杖頭揮灑略盡薪米迫人冬杪

乃渡江至金陵停居度歲庚子正月下吳會至雲間訪梁大將軍翀天夏買舟入越訪舊于鹽

官石門間將為西湖之遊會選法改易計名次已及悵然返權還至白下以閏七月納妾未兩

旬却到金閨遙謁錢牧齋先生復下松江晤別梁翀天太保已遂聞選授河間信乃趣掉返至

揚州取金陵眷口以來製入官裝束十一月去廣陵之官共得古近體詩二百一十八首

谷口山房詩集

卷之六

南遊續集

此集未曾在
五卷

涇陽李念慈劬菴甫著

華州道上張伯式邀餞江園

細路春畦裏危亭泚水邊
石林疎繫馬柳渚曲張筵
勸酒歌頻發尋幽坐屢遷
平生真率意見爾復流連

其二

悲歌思往日酒酒在長安
巽飲夾羣遷清狂聞上官
長懷解衣惠不忘敝裘寒
小肆今非舊經過每數看

其三

去路千山遠交情十載新
相看霜入鬢莫惜酒沾唇

脆剖溪邊藕鮮烹坐處鱗
愛君耽野趣真欲老垂綸

其四

亂石青峰北風潭數里幽
空濛洲渚合明滅夕陽流
遶岸宜疎閣臨溪思小舟
異時如有此亦足慰沉浮

贈別代內

五嶽遊裝束已成晨朝將發
妾心驚山魑慣有迷人
技莫向天台僻處行

將登太華次嶽廟早起愁雨

夙夕戒僕馭昧與理遊裝濃
陰紛四布春雨忽淋浪

名嶽期必到愁爲泥淖妨此行入世網歸日誰能量
况復陟險峻當及精力彊咫尺一相失終恐隔青蒼
幽懷鬱不愜竚立獨徬徨

喜雨止卽衝泥入山

忽報天休雨幡然逸興豪狂遊真此日勝事假吾曹
藥裹包征糗奚囊載濁醪出門遺伴侶詢路入蓬蒿

題王玉質先生手蓉閣

元龍小閣碧空峙太華亭亭當面起遙天碧映削成
寒一朵芙蓉浸秋水閣中何有足書史閣下春華放

紅蕊憑欄爽氣撲人來手攬芙蓉入窗裏先生臥此
意磊落胸與華嶽相盤礴十年閉閣向圖籍按羅與
秘臚臣素貞今四海困未蘇朝廷側席求經學百
姓望澤如望雨大儒豈合耽丘壑我願先生捨此出
立登廊廟展大略手攜芙蓉頂上雲一爲霖雨灑寥
廓

娑蘿坪小憩望上方

絕麓憑巖玉殿開入門畱憩小徘徊峻峻峭壁窺人
座片片山花點石苔峽口煙雲隨岸曠上方樓閣對

谷口山房詩集
銜杯南峰行到應昏黑興發無勞倚杖催

桃林坪

幽芳不識名叢生綴石腳寒谷感陽春各自逞綽約
中有千歲桃的的耀丹萼云是桃林坪欲進且還却
恐有避秦人曠懷思寄託竚立久不見山花空開落
馳情緬幽渺神遊契寂寞

青柯坪

十八盤行未覺勞平臺少憇俯晴臯喜無雲氣妨高
眺已有嵐光映短袍玉雷垂崖飛素練黃冠迎客擊

雲璈品巖題壁真吾事鑿碧樵青柰爾曹

登峽

南出茅龍菴束帶脫長褱西峰阻當面凝望空絕壁
大雷引東北梯磴乃歷歷手縞踏石穿中情良怵惕
一志鼓前邁如期克大敵千尺亟趨攀少焉出深聞
附緣亦徒然奮登在壯激懦夫寡真見仰高徒戚戚
宿嶺下

日入山欲暝我行何僕僕龍嶺當我前蜿蜒下山腹
疲足畏險艱聊就嶺下宿月色照荒窈樵火明深谷

中夜啟北窗清曠愜幽獨

曉登蒼龍嶺

曙入道院明晨興上龍嶺尺磴俯兩壑心日常耿耿
初陟膽尚怯半度力乃猛傍顧瞰荒谿撒手拋垂綆
賞竒怖畏忘疾行逐朝景

登蒼龍嶺

過此人應少雙臨萬仞谿雨晴雲窈窈春冷日淒淒
漸覺三峰近回看衆嶺低嚮非盈尺磴嶽路只終迷
二十八宿潭

選勝青峰曲清流處處涵曙光明飛瀑星影落幽潭
何日能長往臨溪結小庵名牽與家累空使鬢髮

西峰

西峰聳拔碧雲回雨後松林返照開放眼川原隨坐
得盪胸詩思逐青來迅飛白日終難繫混跡黃塵已
覺催世事樊籠千古恨暮天搔首一徘徊

經明星玉女祠看洗頭盆

君不見明星祠前洗頭盆狀如石日沒鑿痕山高氣
凍春未解堅冰白結似瑤琨戴祠巨石大徑畝虛懸

名曰山房詩集
祇疑無本根土人言是神龜飛來折羽乃住此其說
荒唐難具論予觀此石類荷葉審視下有根蒂存造
化幻奇何不有元精一氣相吐吞石祀玉女自何代
世遠茫茫無記載客來不見神人持玉漿但見飛幢
曳霧紛晝晦咫尺東峰萬株松風回髣髴聞袖珮我
聞西方盛陰氣金母正與木公對土祠玉女疑本此
吁嗟世人徒附會

登東峰望叔卿博臺

山勢何奇幻峭拔行愈出東峰在我左突兀逞翠嶽
石勢皆南奔萬松生叢密逕轉向北上及巔憇石室
東南望博臺纚纚見垂緇鈎梯法不傳臨澗空惴慄
坐傷奇勝隔中情紛洋溢

登南峰絕頂謁上宮還出四眺

衆山祖崑崙五嶽茲雄長峭壁出層雲巍然俯羣象
高標五千仞赴天迴孤往窈窕玉女祠髣髴巨靈掌
竭盡筋力能馴致青冥上短衣謁白帝問源竚仙仗
偃仰天池側四顧受森爽極目窮寥廓乾坤真浩蕩
海雲東南生夕日下林莽學仙事荒唐馳思聊自廣

何當營茅茨灑然遺塵網

飲白帝宮後石上

山頭把酒愛斜暉春日登峰願不違

予丙申在南中曾有此歸重有

興春日坐

嵐迴只疑天路合風高應是雁來稀欲題

名勝愁才短爲問真源歷翠微拚取沉冥愁絕賞萬

山松暝未言歸

贈復菴范湘濱鍊士

我登太華經西峰攀藤附葛躡芙蓉好山處處惱人

眼佳句不成悲填胸逕轉東下還南折前有茅屋翳

青松石榻木几圖籍列徘徊知是隱者蹤隱者何人

范鍊士少年力學窮經史長將筆墨侍青宮勞動輔

導聞天子玄黃戰劇天地昏龍升蛇走紛崩奔西入

華嶽成長往鑿石結廬坐蕭爽懷中離騷與老莊高

峰夜讀聲琅琅哀猿感嘯陰鬼哭月寒山色久低昂

我來屋下不見君長吟竚立向天雲日夕遇君大峽

下握手欲語情紛紜君兮君兮更努力黃精青飯鍊

顏色滄海黃塵那可蹈此心耿耿無人識爲君作歌

心踟躕仰視諸峰暮天黑

抵平陽郭外馬上望王九如孝廉園林舍定卽
步入孝廉便畱小酌出吳兒度曲

客行愛林莽駐馬入名園步履無通刺濠梁許倒樽
鹿眠芳草細鶴舞落花繁雅意休來往臨城未覺喧

其二

興發吾無賴狂遊爾不嗔攤書耽地僻愛客任天真
小逕藏淡竹清池縱錦鱗相看幽意愜傾蓋得情親

其三

地迴邀春住廊迴引步遲把荷憐楚客度曲得吳兒

笛轉聲融竹箏調手應絲平生習疎放達暮不知疲

客寓

爲客天涯慣僧房到卽家曉隨金磬起暮對石幢斜
雨砌看移竹風檐課煮茶比鄰來往熟濁酒亦能賒

雨後

大旱二麥空歲事望秋實五月未播種郡國皆戚色
毒日陵天街客寓况逼側流汗無停揮執熱煩胸臆
好雨東北來沾灑忽如織坐愛土膏香晚涼暍病息
間日晴色佳出郭履溝洫萬畝齊秉耒田歌互揚抑

谷口山房詩集
侵畔青苔深發耜黃壤直喜見民事與他鄉且飽食
萬寶自茲生我貧豈無極

述懷

十年九作客踪跡任浮沉生事苦相逼奔走常踈踈
覩顏滋內恥飢烏敢擇林隱忍營苟得所事違本心
徒知固窮節驅迫感至今人情矜豪勝世俗重多金
紛華豈有極快意終難任古昔甘貧士曳履有好音
永圖在儉德曩哉聖人箴多負憂方大逐機害亦淡
年長行不立坐使二毛侵撫躬痛自惜涕下橫衣襟

平山泉龍池

半畝方塘冷噴秋土人爲道此龍湫霑郊不用雲雷
急十二官河自在流

夏夜急雨

中夜雨傾盆軒楹上水痕疾聲奔萬騎黑霧壓千門
乍畏高天漏還愁厚地翻鄰家聞倒壁鐙火起相喧

雲

片片浮雲去含愁正望鄉東風吹汝急幾日到咸陽
四月淹平水移時入大梁天涯任飄泊親舍日微茫

雷

坎坎驚雷發轟空裂厚坤壯心隨激越浩氣欲飛翻
山澤驅潛魅江湖起化鯤遐方有幽滯為望更崩奔

平陽早秋

羈棲畏搖落縱酒緩淡愁一夜商飈發江山入早秋
家書遲飛雁客淚盡登樓淹滯非吾意新涼病不瘳

復陰

雨歇望山青陰雲去復停歌添風浩浩愁與霧冥冥
囊盡尊空覆眠多戶每屆客中無惡况誰敢怨飄零

將去平陽別毛錦來司理

客來遊河東訪舊聊委蛇毛子爽豁才明刑汾水潛
哀矜多平反藉甚有聲施投刺一相見握手情怡怡
居我金碧刹餉我陳醪醪劇飲移春晷篋中出新詩
洪響戛鐘鏞古色列鼎彝長歌氣浩蕩颯颯雄風披
君今理名郡簿書亦紛彌文詞何轉富下筆饒精思
我將謁天官行橐但垂垂旅食情態惡愁思成支離
苦吟詩乃工耽此貧不辭辱君鮑叔知捐囊相餽貽
季世誰能爾感激心轉悲結交貴知心古風今見之

名山詩集
永矢不敢忘沒齒以爲期

苦上太行

木落太行秋斜陽漠漠愁摩天隔三晉倚杖識中州
勤想周流蹟雄傷合從謀黃雲高不動千古莽悠悠
遠遊答友人

策車出廣陌聯轡遵芳洲齊心同遠適雅志結綢繆
采芳不獨佩得酒必共酬我懷惟坦放君情澹無求
私衷誓永久豁達謝怨尤朝發黃河渚暮宿恒山頭
引領望前路山川正阻修丘陵多險峻谿谷莽深幽
苦霧障人面叢棘生道周披襟涉崇坂褰裳涉寒流
遐思方浩蕩世塗任悠悠眄彼求友鳥和鳴聲鞦韆
古道相勸勉結交隨所投

山下許梁諸村

南下太行麓平原錯綠疇數村烟冉冉千畝竹修修
暮靄牛羊下高田禾黍收軟沙蘇馬足縱轡復何憂
其二

水竹一川足周行十道通人家青嶂下行李綠陰中
童子工批笈村姬業織籠卜居宜此地蕭颯萬愁空

西風吹旅客日暮渡黃河平野梁園近高墳宋碣多
搖搖終浪跡滾滾歎滄波牢落乾坤裏生年已半過

緣河諸村

芋葉如荷碧柿林勝橘黃野田連密黍官路出長楊
處處催河賦年年赴築防汴東新又決千里沒農桑

汴渠

山行馬足疲渡河沙較軟東來得一水小艇足游行
曲折隱平疇但見帆檣轉河水達南中舟行誠安善

便欲舍馬去據鞍復繾綣平生壯奮志最苦行偃蹇
舟小厭幽棲流細畏淤淺何若跨驕驄到處騁流眄
飛鞚出長楊鬱懷或一展

聞同行沈价人欲歸別走筆訊之

辭我西歸意果真天涯獨客倍傷神懸知去後添愁
臥病骨惟應藥物親

送沈价人茂才歸秦

已分常飄泊秋期敢望鄉翻因送歸客真欲斷離腸
水落鱸魚美風高燕子忙應須到吾舍憑語寄高堂

秋日寄內

歲歲常爲客，今秋又不歸。
可憐人兩地，不及雁雙飛。
獨宿朱顏改，長貧生事微。
他時或相守，只惜少年違。

汴州竹枝詞

二十年前歷汴都，重來風物總相殊。
舊時好景猶能記，說與今人見也無。

其二

周府當年全盛日，丹楹碧瓦照青霄。
千端羅綺裁歌障，十斛明珠選阿嬌。

其三

其說王宮樂事，頡清歌妙舞曲通神。
繁華只有中官見，傳向民間總未真。

其四

碧流清淺遶城隍，脆藕鮮菱薜荔房。
溪叟挑來街上，滿童兒擎去手中忙。

其五

八月風高放紙鳶，竹弦吹激吼鳴蟬。
夜懸鐙子青天，上一顆明珠賽月圓。

其六

屋大風箏入夜喧
秋來持放盡王孫
狂飈吹急青絲斷
飛落人家不敢言

其七

紅油車子賣蒸羊
啟蓋風吹一道香
數罷青錢隨細割
擎兒先得幾星嘗

其八

丈五高丘對府門
自從水過迴無存
卽今平地高丘上
反指淤泥說舊痕

其九

磚城前表進賢坊
老府今爲取士場
舞女黛消縫掖入
後宮山子祀文昌

其十

大蘇歌吹本吳伶
奏向黃公賣酒亭
昔日內庭淡處教
新聲那許外人聽

行汴東河決處

淼茫彌望白汗漫
捲諸村聞道洪波下
突衝淮泗昏汴東
深澤國毫邑浸城門
翠柳傾猶活
華堂溼易蹲

萬家蛙產竈千里穀吹根魚鼈羣離宅蛟龍怒坼藩
滔滔昏墊接滾滾浪花翻婦子盈中野攜持倚斷原
秋高霖雨急日暮哭聲繁堤岸成村落蓬葭假屋垣
短籬兒女出露釜爨煙燔道路傷災異經過長鬱煩
兵戈餘井逕沉沒盡雞豚長吏親奔走中丞屏蓋軒
年年給麻柳歲歲壞居屯供納羣黎德農桑幾處存
偷生還苦役何路顛高閣言三哀鴻雁悲歌答斷猿
行藏愧庸碌漂轉任乾坤無力援胥溺吟詩弔楚魂

旅店

旅店秋風裏停鞍已夕曛營營豈學賈逐逐似從軍
蔬飯親鐙食村醪假客醺茆簷下秋月破壁見溪雲
不寐心逾苦多愁思更紛蛩吟寒自切馬齧夜常聞
對面惟僮僕吟詩望侶羣去程尚多有何日到江濱

野雞岡

秋水灣頭客路斜野雞岡上欲棲鴉六年前過曾經
宿細雨停驂是此家

虞姬墓

虞姬塚上草猶似指彭城歎死恩難報悲歌氣未平

名曰山房詩集
淚團朝露白愁織暮雲行爲說炎劉後于今代幾更

野曠

野曠風來緩方塘水氣清晚荷鷗外碧落日鷺邊明
穫稻村村急築塲處處平他鄉井穀日且得飽香秔

小酌

小酌愛淡紅提壺碧樹叢野添幽意豁醉遣旅愁空
未擬旋高枕淡馬送薄躬車空在切溪晚氣濛濛
村女坐春米吳牛行負童周遊鄉國遠土俗異方通
柑落矜園實秔收驗歲功江船依岸葦秋色着山楓

壯志頽看劍高吟數倚篷興闌月更上吟罷思何窮

中秋無月旅次獨酌

客霄無月還淡坐悵望層雲未肯收萬事絮煩增內
熱一年萍跡又中秋清砧急搗誰家婦長笛橫吹幾
處樓掃榻酣眠憑酒力暗飛烏鵲迴添愁

南中

南中八月小搖落客行盡日轉山岡彌野青蒲亘千
頃驚人白鷺飛一行跣足腰鎌刈稻女科頭負索牽
舟郎路出豪梁有所思高天無極秋茫茫

田歌

擊壤有遺音乃在梁宋間農夫耕且歌
颯颯隔清灣其音和以永天機發愚頑
客子思至治聞聲頗相關干戈未偃息
征求尚多艱天子方盱食大臣或痾瘵
何當罷戰鬪民氣得安閒四海樂南畝
我亦辭闔闈晨朝荷耒出及暮驅犢還
耕田長兒女高枕看青山

盱眙山上憶所見

六年前過此有所觀今客路改易舊地亦不復可識矣立

馬悵望不勝低徊

佳人牆裏憶相遭玄纓長衫約茜條
幽徑不防行客

見新篁竿子打櫻桃

其二

路傍凝望喜牆低舊過重來跡已迷
綠竹園林芳草徑依稀還在此峰西

其三

橫態含嬌望不真牆邊久立轉成雲
銷魂舊地今難識碧水青山思殺人

寄懷王恢傳內兄徐州判官

為官遷謫判徐州念爾離家七見秋
我總頭顱非昨

名曰山房詩集
日一寒仍擁舊貂裘

其二

瓜州乍面旋成別屈指流光又五年人世幾何常契
濶那能相憶不凄然

夢女姪韓子十韻

冰玉精神似聰明掌上珍客中那見汝夢裏暫娛人
別日方三歲離居又一春終年苦思憶千里隔風塵
急側矜行疾清冷學語真喚人聲刺刺遶膝走踈踈
失母深憐小多啼未忍噴漸知避賓客已似愛珠玕

隨姊時牽袂非男亦慰貧含飴今日喜詠雪異時新
應許知文字深憑悅老親飄零兼困阨何日遂歸秦

飲孫豹人漑堂歌

生不得與子 皇塗同佩鞞經綸海內叅密勿又不
能與子丘貉同放浪縱酒酣眠齊得喪胡爲踪跡兩
相隔我在秦中子邗上前時客裏一逢君論文壁壘
不相讓江頭作別四年餘故人未寄一行書今我命
駕還南之握手無語出新詩讀罷徐徐問生事始知
頻年貧更勸園林已典他人居清泉老樹成空虛九

月合家衣未授忍寒兒女色躊躇坐我漑堂中飲我
廣陵酒兒女出拜我歷歷問親舊兒婚女嫁復抱孫
見之使我嗟歎久吁嗟乎兒曹催爾頭頰白雄才空
老真可惜歸鄉何日計不就流落天涯過半百回頭
囑君女亦還囑君兒貧窮雖良苦遣之夫何爲汝翁
豪傑士義不事詭隨若使肯富貴立見綺紈金翠相
追飛登山已云險世途更嶙峋納履一失所陷阱隨
其身我實知此事中苦爲養親汝曹且安貧勿向爾
翁嗔君不見大儒往往先因厄皇天不苟貧庸人

讀漑堂近詩

不見孫郎久相逢有好詩長貧工著作久客罷愁思
健爽驅風雨光明走魅魍漑堂陳列國評論慎文辭
養人死

爲客重加餐養人職頗急老僕有阿護忠朴信所及
事我雖未久食性已能習沍寒與酷暑未嘗怠所執
時復理水漿澣濯及袴褶從我到維揚忽焉遘虐疾
藥餌投罔效十日絕米粒我行向淮陰畱汝事調息
病瘥念當補參朮寬其給詎謂行未遠泉路竟早入

事理古難窺行好奈命溷勤勞未有答念之一悽惻

高郵夜泊

沙際蚊雷喧日暮岸邊螢火照秋淡細聽寒柝孤城
夜獨宿扁舟萬里心

九日淮北舟中

重九飄搖歎轉蓬登高無地且舟中崇朝嘯倚孤帆
疾連日渾勞百丈功預擬故人淮上晤定攜尊酒夜
淡同閒身尚許東西便儘載霜毫問國風

上漕撫蔡公

三城淮安有晴色五雲邊七道風清節制連漕撫統轄七省
南紀供輸憑箸畫黃河粟米轉樓船封章氣載湖山
壯帷幄心同海日懸積貯計盈還召入只今寰宇息
烽煙

奉送任雲石太守備兵榆林

白門薇署春宵聚座上淡聽玉屑霏交阻彥升常夢
想治傳汲黯最光輝海民臥阻雙輪發塞路翹瞻列
宿暉西北兵徒天下勁控邊端賴劑恩威

九月十四夜看月

谷口山房詩集 卷之六 辛 南遊續集

江上渾無夜傳杯盡三更林鴉棲不定草露照俱明
秋望頻移處霜天獨遠征故園在西極炯炯正含情
過黃蘭巖新構園林

湖艇曾秋泛通城有一關如何臨綠水突兀起青山
曲折藏花竹蕭疎遠闐闐卻愁天下望如爾未容閒

寶應小寓

小寓環流水西鄰范相祠疎庸吾自恣往詰若相規
僻宇宜高臥清秋可賦詩船喧聞載稻歲稔樂蒸黎

一室

一室終朝坐寒鐙靜掩扉鼠鬪牀上墮梵放夜淡歸
書卷堆狼籍爐煙裊細微伴人惟底物相對久忘機

過寶應懷兄叔則

叔則嘗宰此邑邑中多有其手蹟

文人爲政多佳蹟墨瀋風流處處存昔日詞華照淮
海他時嶽望見崑崙倒源獨腕同江注逐影羣賢枉
電奔秋過射湖憶彭澤柴桑菊酒臥山村

封船行

兵船南來橫河住河中十日斷行旅拿船載兵軍檄
急賈船散逃無處所被拿倉皇催起載狼籍裹裝堆

岸渚船人載兵不得餐持米偷向瑯船煮成被奪
兒女啼還恐兵聞肆筵楚

風雨歎

捨舟坐野度免拘攣苦那復值連陰愁風還愁雨
其二

愁聽三更雨還驚徹曉風心搖眠不穩猶恐在舟中

其三

高樹聲還急虛簷鐸未安空牀已無疾猶爲送秋寒

飲酒

飲多畏脾溼飲少愁無寐一飲何多端銜杯費籌思

酌酒

客寶應作

日就岸上坐夜就船中宿船中非吾廬岸上豈我屋
客子事遠遊常年別骨肉故里涇河邊西風有叢菊
回首歎遼渺馳情傷苟蹙本挂揚州旣却看安宜竹
動止非由人因緣信轉逐孤城帶五湖木瓜秋釀熟
澄波滌煩襟秋天可放目老僧掃大榻邑宰分微祿
酌酒還吟詩聊用齊久速

榴花

秋盡行八寶萬木葉隕穉如何煙樹巔一花開的爍
結實誠已難神色淒損削霜風日夜吹居高豈其托
雖有丹赤姿非時終蕭索士生亦有然感歎涕橫落
歸舟

十日城中坐今宵又到舟蕭條辭八寶倏忽盡三秋
散帙燒殘蠟開箱檢敝裘射陂寒浪濶渺渺急予愁

舟中

不經岸上勞誰解舟中逸生世百年間舟中還幾日

其二

舟裏身無事心憂復萬千萬千無一濟何用苦相煎

舟中晏起

客倦連宵酒船開半夜風秦郵行欲到猶在夢魂中

秋盡

漸覺霜飈力江寒急落楓客行兵過後秋盡夜愁中
行李添南酒音書滯北鴻無錢愧僮僕敝袴忍寒風

舟中看新月

扁舟日落維荒渚新月光生慰寂寥水裏細翻金冉
冉蘆邊曲射白蕭蕭亂檣徹夜繁燈火孤夢移時數

動搖卻念故園人，悵望玉鈎清冷照無聊。

舟中看月

光明常不寐，清冷欲摧顏。相對終相愛，篷窗夜不關。
夜行舟中聞雁

憎繳滿天地，冥冥夜或宜。如何更嘹唳，若爲說哀思。
猶苦家書阻，空增獨客悲。勞勞君亦爾，寧有稻梁期。

露筋作呈孫豹人

有露筋女祠土人卽以名其地

舟行露筋祠，欲拜露筋女。當日堅貞人，擦生在茲渚。
藁砧雖未託，大義已自許。肌膚良所愛，嫌疑終當去。

衆口復何爲，筋露名乃巨。嗟哉守身者，當境宜審處。
我來黑夜中，景仰費延佇。棲泊兵舟繁，不知祠處所。
憑弔空復情，吟詩寄孫楚。

放舸

南征百里是高郵，蘆荻風生兩岸秋。放舸今朝疆放
馬揚帆一日到揚州。

十月一日

孟冬當初一，秦俗修二簋。感時霜露繁，寒衣薦宗祖。
游子事行邁，湖邊阻兵艣。晨起正徬徨，窗前復密雨。

追遠誠大節連年違鄉土我母早棄世孤墳今宿莽
伊時襁褓中通喪亦虛數廬墓久繫懷此典終未補
歲時祀祭疎悲傷因貧窶我生殷憂中仕路方險阻
痛此祿須干誰敢輕華膺入官已有期奔走營資斧
覩顏向親知往往遭厭侮假貸亦云易長安多大賈
迫索太無情勢急或妄取忍辱與爲貪兩事此猶愈
寒冬十月交獨征歎踽踽今晨况觸憂悽惶腸內腐
逝者已遙遠存者終厄苦遭遇良如茲有恨彌終古

雷大伯顛見過

大儒代絕誰當續愁眼江邊見此文雅交遊千里
合亂離情話異鄉親一編明志甘荒野廿載全身把
釣綸困頓無聞吾最愧吟詩小技未堪倫

贈王築夫處士

名巖本長安人
流寓寶應

史學從來歎最難王郎彩筆老江干千秋疑義論常
著萬卷傳書貧自攤寓處垂綸同渭水鄉心落日望
長安藜羹裋褐今時困勁節雄文異代看

芭蕉

芭蕉寒不死霜打正離披爲爾傷遲暮愁人奈歲時

青雲紛失色翠袖久無姿獨坐看榮落物情盡可悲

贈僧半山

髮去名猶在家拋累竟空爲庵仍別業冥識入宗風
繪事人多乞詩篇老自工愚山來往熟留客已公同

平山堂

歐公政暇傳觴處遺趾荒涼夕照中藉草尚留杯影
綠把荷常憶舞筵紅江城文采誰當續世網稀疎那
更同安得昔人爲地三還攜翠袖颺春風

董相祠

一代大儒空寂寞祠堂零落倚邗溝寒天急雪侵碑
蘚斜日清江颯客愁道感兩落真自得名垂千載豈
相求紛紛功利爭馳際展拜頤教涕泗流

柬劉峻度

君家內子工文藻笑我耽書更苦愁歎息步遲明月
下呻吟聲出短牆頭庭闈奉養無甘旨世路艱難盛
盾矛四十無聞生計拙那容懶惰信浮漚

徐生小像

北風吹酒醒江畔徐生揖我索像讚我未見像獨見

君落筆無從思汗漫看君神情有寄托七尺骯髒意
諧謔一生蹤跡在歡場半雜公卿半丘壑憶昨汪生
邀共飲酒酣耳熱清歌作夜晷潛隨緩節移梁塵細
逐哀音落聽君一曲暢我情十年激憤中忽平但當
日日快意與君飲何必勞神苦思求榮名

方佳客擊鼓有贈

搥鼓夜三更淵淵氣不平洪音融雜吹促節赴哀聲
雷發雙蛟鬪潮歸片月明知君有壯志落腕太縱橫

谷口山房詩集卷之七

南遊續集二

涇陽李念慈劬菴甫著

汪生小像

此子宜丘壑家僮盡壁人書編閒獨把茗椀坐相親
畫裏容顏好尊前意興新蕭疎雲石畔棲託總天真
贈程穆倩山人

新安程子擅異才胸中廓落行竒恢文章崛奧意獨
得自視今古皆塵埃有時興酣握秃筆紛然圖畫山

崔嵬荆關董巨夷不屑筆法自闢黃海開工按六書
窮點畫昆吾錯莫鏤金石卽看此事誰匹敵作者如
雲都辟易可憐世論難可詰往往還遭俗眼嫉感君
貽我雙銅章頓令箋軸生輝光手攜著作盈一尺颯
然出誦當風霜兩人相顧還命酌蕪城片月落清觴
吁嗟礧珂勿復道門前車馬空茫茫

程穆倩索題郭恕先畫滕王閣圖

帝子在洪都建閣章江中下基礎水府上勢摩晴空
西南山川千萬壘凭高覽眺測冥濛閣公嗣此會賓

客王郎詞賦照今昔後來頽廢迥無存但見江流浩
浩搖空碧我昔章門過行李突見層樓岸上起知是
中丞蔡公締構復鮮新綺窗三面臨流水程生過我
雪霜天平持閣圖珍拳拳筆端纖髮工如織階磴可
履簷牙全齊紈扇面徑尺圓高臺飛檻森迴旋研視
不見筆墨跡忽如置身巍閣凌蒼煙西山南浦指顧
間揚舫維纜萬里船檣烏渚雁紛往還耳聞江水聲
濺濺誰爲此者郭恕先筆精焜耀幾千年屏營把閱
懷高賢名圖盛事永流傳

愁

客久忘逆旅起居若故常肴核稍具辦賓至便命觴
笑言復詠歌歡樂難可當夜夢忽還家覺來知他鄉
定省違萬里浪游况無方奔走何爲者枕上涕悵悵
憂愁汝何物淡入斷人腸

廣陵送任叔源來自閩中北上

萍跡都無定相逢亦偶然客牀連雪夜別酒把江天
駿足堪千里公車困七年漢庭徵對策今識董生賢
冬夜漑堂看月示豹人

孤月牆頭上高懸處士堂團圞羞照影清冷畏流光
海內交遊薄江邊歲月茫無錢吾共汝相對惜空觴
漑堂臘梅

顆顆含苞發臘梅雙樹黃霜中看漸大寒日迴能香
棲泊成高臥淹留數舉觴相憐慰愁思不必映吾堂
米盡

歲暮大江干羈棲氣不懽愁中看米盡病裏怯風寒
萬國徵求急天涯道路難蒼生異時望何以勉加餐
席上贈歌兒夢珠

十分春色五銖衣度曲嬌鶯恰恰飛只恐風前吹却
去湘簾一道更教圍

其二

小史殷勤勸客杯向余欲進復遲回受風輕鷺差相
似一顆明珠夢得來

歲暮邗上述懷兼呈王貽上司李

悠悠殘歲徂客心盛愁思經時滯江鄉自哂亦何事
廣陵大道邊賓客所羣萃宴會與過從朝暮紛填委
奔迫酒肉間逐人成勞勩三月無一錢僮僕色顛顛

薪米良瑣屑乞貸忍詬誶敝裘亦已典謀畫及襍被
膏斷妨宵讀爐寒追夕曬南酒豈不佳空囊難取醉
綿綿冬夜長欹枕常少寐親知過寓居顧此發長喟
禁網正殷繁君也稱廉吏吾道有窮通敢爲良友累
躁情泥遠圖君子重居易苟得誠非難當機審義利
努力平怨尤古德未云墜

邗上長至

萬國陽初轉吾徒道欲亨艱難對寒雪躑躅望春明
閒覺詩篇進愁看歲序更長貧累朋友耿耿念平生

冬夜漑堂餞孫豹人之鹽官
歲暮客旋歸念子方遠征罌空乞米急常格亦所輕
子廬非我廬我居君反行兩人貧各甚觀者傷其情
置酒鐙燭下相視飲無聲四海少稻梁飛鴻復安營
飢餓或偶然終期守令名

廣陵雜感

邗溝繁華地大賈氣揚揚金錢擁富厚親戚皆輝光
客子獨顛顛慨焉成憂傷歲暮雨雪急行李色淒涼
賦詩一千首不能充飢腸仰空久竚立身世事茫茫

其二

處世忌太潔含垢良亦難當境試吾學鬱鬱心力殫
虛舟觸石角跬步成峰巒世情固多妄毀譽豈無端
寡識自貽戚敢謂行最完是非久當定君子居其安

其三

齊紈沾垢汚澣濯感清潄玉石遘良手始得稱球琳
我今有過舉良友相規箴拯我迷惑中愛我比南金
德義幸未虧其樂難可任

擬出塞

爲儒終困厄國步况艱辛投筆從戎馬出門當良晨
回頭顧婢妾送我涕沾巾大笑遣之去勿爲念舊嗔
嫵婉及少好努力事夫君封侯歸無期空閨負青春
丈夫有壯志焉用誤他人

其二

男兒憤國愾辛苦事戎軒橫舟下東海長劍倚西崑
幼出老還歸頭上霜雪繁生妻已去室煢獨聲自吞
出門二十載未能報主恩生當死疆場何必有兒孫

雜興

清晨獨高臥幽鳥鳴前軒霜葉乾未脫微聞雪聲繁
起坐當窗牖敝裘氣不溫還解身上衣換米煮朝餐
米色爛如銀當食念二親故鄉三千里游子在江濱
詩書滿几案與義何深醇虛檐自把讀聲高聞四鄰
努力愛微軀天下久風塵

其二

漢興輕儒術絳灌稱老臣孝武負雄略取士首躬親
董生良大儒三策爛然陳論治必根本原道及天人
大哉正誼學顏閔可等倫熙隆未當奏相藩跡酸辛

正己感驕主抱德終未伸此人竟寂寞誰當秉大鈞

題汪湛若上巳梅花卷後

湛若園梅先是上巳後重花羣公贈詩

成帙子最後把卷慨焉夫梅有幽貞之姿豈宜與桃李競發湛若乃為予言自是年後流寓播遷遂不復得窺此園嗚呼非時之榮君子懼之于斯益信矣因賦

霜姿不自守忽似愛春陽竟逐李桃發其如零落香名園禊事急官閣燕飛忙無限繁華裏相看意轉傷

木江舟夜發

河口輕風生日暮扁舟欲泊復揚舲千村過岸門皆閉孤枕聽濤客獨醒遠渚月明出皎皎寒江夜色流

冥冥貧窮轉徙微軀賤腸斷秦關憶濁涇

燕子磯

磯勢如飛墮空江滾滾奔興亡前代閱棲泊暮舟繁短日斜亭景寒潮落石根登臨無限事感激對津門

紀遊

驅馬出關門駕言事遠遊平陽唐虞墟沃野曠悠悠雁門在其北中條遶南週固關實東戶蒲阪壯西陬其民尚勤儉古風至今留鹽鐵與煤井美利隨處優惜哉戰國王攻取自相讐雄資不善用殘民重悲愁

合從一解散吞并遂秦謀客來畏炎暑坐淹春及秋
東上太行巔四顧豁遠眸面對嵩岳岑俯視黃河流
成臯想漢壘洛邑緬成周昔在有明末盜賊實所投
風塵一騷動干戈變九州閭干傷往事雄武啟今猷
問舟榮澤口秣馬武陽疇吹臺無李杜賓客少枚鄒
慷慨復南下攜劍過商丘搖搖經梁宋迴迴指邗溝
西風聲已厲天地忽蕭颼登高鍾阜巔濯足長江頭
乾坤何寥廓南土風和柔流覽恣所適浩蕩銷我憂

哭顧與治

昔我遊南國豪飲愛詩篇投分交君子一日數往還
西歸咸陽去離隔歲五遷鴻書斷空際翹首蔚藍天
重來君忽沒耳聞心愕然胸中無限泪迸落夕陽前
悠悠秦淮路冥冥石城烟逝者不可作素心失此賢
手持一尊酒酌君鍾陵邊吟詩不見賞惆悵九重泉

過亾友顧與治舊居

居在新廊

顧叟懸樓在新廊忍更過淒涼想文采黯澹向山河
存友收零稿空堂盛壁羅洲田真自累遺恨委江波

鳳羽兄七十

治家如治國幹事貴精勤任人兼無失大業鮮不振
吾兄本良材志氣蚤嶙峋十三躬負販出門走通津
東南懋遷地獨征歷艱辛雜苦非所尚億中妙如神
選擇廣付託運用若身親分財撫諸弟營甘事二親
江海及嶺阪舟楫更車輪專壹感蒼昊風雨爲相因
貲贏到南畿築室秦淮濱潤澤被閭里質直無緇磷
交遊多巨公車馬常在門垂老意無懈禮數益精純
聲色少所嗜儉朴意自珍以此神健王彊固保天真
只今年七十顏朱髮未銀家成身亦潤此理近先民
生世苟有立何必垂華紳宴樂比鴟毒自用良小人
我願將此事陳詩告王臣

鄧元昭先生萬竹園奉陪施愚山副使卽席賦
太史幽棲地詞人佳興同雅集連日夕追隨許微躬
開尊對綠水啟牖納輕風秦淮佳麗最宣城詞賦工
古堞過殘照清言豁愚蒙眼中有泉石城隅卽牆東
送倪閣公茂才還之江右

我昔到南州意在登廬山塵緣苦相迫空往復空還
眼望雲際寺馳情成鬱煩吾子雄傑士蚤得遂遊盤

林巒發灑思麗藻何翩翩暫返石城道還泛彭蠡烟
將我一片心因君寄遠天爲謝五老峰終期窮躋攀
鄧元昭先生招重過萬竹園飲同施愚山副使
風軒不受暑水檻迴生涼萬竹環戶牖亭午發微香
誅茅開幽徑伐石佔方塘地僻塵事減心閒道味長
髣髴裴公墅還如謝傳莊詞人來敬亭連夕共清狂
而我獨何人屢升君子堂接塵聆高論列坐飛清觴
夙仰一以慰永言依輝光

戲柬訊孫易公晚香堂菊

秋晚堂邊嫋嫋枝昔過曾是菊花期間君一種東籬
艷金色還能似舊時

歲暮寄懷梅杓司宣城二首

我來潼關西君到大江陽萍跡非一處相見邗溝傍
少談情已合出詩各一囊蔬果設小飲畱連孫子堂
時予居停豹人漑素交無新故質論竭衷腸愛君清
堂值梅過卽畱酌迴作古體尤擅長蘭草抽幽思璵璠發堅光作者雖
多有雅音久蕪荒努力反正始君才詎可當

其二

相知纔幾日相別上江船君言倦流寓歸老敬亭邊
後會竟難卜惆悵黃花前嗣遇施副使尚有作不徒
然格法君或敵顧我慙比肩依人良自誤散盡囊中
錢故人虛文辭客竈斷炊烟觀此遊無恨快心交二
賢遠念宣城道歲暮鴻書傳

與家兄舍姪守歲金陵

殘冬繁雨雪守歲復江城對此一尊酒還令百感生
升沉離亂後骨肉異鄉情萬國風塵滿何時見罷兵

辛丑元日

男兒幼志學及壯當聞道其次樹功勳維風進熙皞
我生長碌碌閱世空潦倒三十過四歲年齒未爲老
所愧學術疎出處甘小草江城度元日齋肅禮蒼昊
蹉跎韶華馳恐此負大造春氣漸發揚梅花綻欲好
吟詩雖復多于世輕如縞長嘯出層樓江風吹浩浩
正月二日康小范孝廉招同諸子飲集有懷林

二史孝廉

南國過從復新歲別離却憶屢經年暮雲每望江東
日秋夢曾驚海上船雨雪乍晴圍坐處梅花欲發把

杯前天涯萍跡看仍聚獨念林生意黯然

與歌兒

友人蓄歌童數輩甚憐愛之命以佳名席上各書與一詩並呈主人

碧葉著秋色天嬌望若霞自貪楓樹好不復愛桃花

紅樹

其二

應是種藍田誰將貯金屋不誇莫瓊樹錯喚劉碧玉

綠玉

其三

皓質因風起輕花亂眼飄賞心異紅艷珍重比瓊瑤

素雪

舟發

輕裝發揚子搖曳入空濛茗煮春潮水帆懸曉岸風
漁磯習颺颺村社鼓逢逢連日晴皆好江鄉卜歲豐

江泊看月

輕帆轉石城月皎維舟夕春晴過上弦澄江應潮汐
小舟少板屋水宿覆片蓆孤光對欹枕流寒著背脊
披衣出短艙久立愛清魄冥冥山色蒼濛濛江氣白
四顧意寥廓幽賞寄空碧

西風

春水一江活春船片葉輕西風當捩席淅淅爲人生
行李臨燈夕飄零去石城金焦看已近興發扣舷鳴
潤州夜泊憶舍弟

江色暮冥冥蘭橈近郭停桅檣繁夜泊燈火亂春星
小酌看蟾兔羈縲念鶴鷄潮生舟泛泛水宿客常醒

周濂溪先生祠

先生依涇陽讀書此山隈種蓮堂階下相對清芬開
我來肅拜謁步履破莓苔舉世競功利理學久塵埃

荒祠徒遺蹟棟宇多摧頽尚有碧池水日暮涼風來
咫尺鶴林寺金碧耀樓臺懷古一歎息耿耿中情哀

竹林寺

萬竹編山逕紆迴到寺門兵戈從俶擾鐘磬自朝昏
清梵聞松杪春泉出石根空巖幽興適短髮欲全髡

金山

突兀一峰浮澄江四面流寺樓臨北固塔影落揚州
檣櫓過千舫雲霞變十洲水鄉猶戰壘登覽暮懷愁
飲金山寺下廊還就舟中小酌南渡

孤嶼出淡江中流得石磴步盡飛巖巔攬擷江天勝
落日當荆楚長湖識寶應海風萬里來吹我微醺醒
欲去復命酌石欄臨江凭舟楫俟山腰鳧鷖到竹徑
載酒暮江清舟飲有餘興

舟飲

妙高風色碧流涵縱飲觀濤牛已酣日暮小舟堪對
酌却攜春酒過江南

焦山

幽山如處士獨立大江中日見千帆影巖棲萬木風

海門淡突窅秋色混冥濛靜覺浮生幻耽竒意不窮

焦隱士祠

先生難可見姓氏重青山憑弔空陳跡風塵赧客顏
江晴黿出曝林晚鳥飛還幽勝堪招隱何時此閉關
嘲石尤

妬女風狂阻去程扁舟欲發浪崢嶸不知對面辭家
客却挂輕帆盡日行

丹陽道中

乘春下潤州山寺愜冥撥又挂帆檣去真成汗漫遊

石橋通過舫斷岸入橫流計日臨吳會攜觴問虎丘
春日梁溪舟中看雪

正月已下旬江南雪盈尺旋風落未休船頭見委積
呼童事卻掃出望飄墮跡千林交亂瓊平疇仆廣壁
冥冥梁溪暗莽莽錫山白三農紛已動萬卉待甲坼
凍風滿郊原勾芒失德澤兵戈正多艱民生苦蹙迫
時令一何乖春田滯難闢豈無蘭陵酒欲飲情格格
憂思浩然生不獨感行役

錫山雪泊

節過上元還五日錫山急雪打維舟已深泥淖妨春
事更進風寒颯客愁何處蘭橈乘夜色誰家羌管醉
高樓蕭條又向松陵發回首江關憶舊遊

雪晴

鳥飛夜將曙舟子報朝晴卒起催進發高帆日脚生
篷窗背風啟坐聽榜歌鳴積雪照行色天地何晶瑩
蠹蠹吳山秀泠泠春水平搖漾娛心意蕭然萬慮清

臯橋

我愛梁伯鸞高隱偕賢侶夫婦到吳門流寓伯通廡

甘心執賤役厲志辭華膺舉案婦之常儀刑茲焉取
閭門接臯橋維纜依環堵懷想問遺事緬邈中勞苦
榮華有衰歇此風竟千古

沙湖盜

舟過沙湖口有盜夜劫人賈船遭劫泣向我陳一解
傳來漸急我心爲驚我目四顧手持兵念七尺之軀
何所迫胡爲深夜向此行二解漸漸流水朦朦秋月
交舟而馳相遇倉卒我飛櫓薄賊賊勢爲屈縛其魁
以來檢視舟中纍纍皆賈人物三解縛賊急賊且告

我身是中丞兵有籍在標左我欲聲之淡有未可四解

解嗟嗟汝曹歲有餼月有米養汝弭盜汝反爲此我

今宥汝汝遵我指劫不可爲改將無死公行而劫伊

豈獨爾五解

青浦道中

扁舟下青浦百丈逐長堤處處橋當戶家家竹障溪
野田通湖水小艇取河泥何日成吾懶爲園效此棲

松江舟中

松江過吳會一道得安流旭日檣烏動和風岸草抽

近城先見塔入市盡通舟柔艣春衫把吳姬倚柁樓
松江寺寓十韻兼呈梁狝天大將軍

金刹碧流邊僧房可偃眠海風朝更急江雨夜相連
下榻燈初舉扇爐茗續煎客心碎檐滴歸夢隔春天
暫喜離舟楫急將發簡編浮生悲過隙失學惜流年
揖客爲君重傾心愛士偏文章空自好飄泊竟誰憐
虛譽猶叨竊微官欲局攣江湖有微尚不待雪盈顛

春日張友鴻招飲家園索童子度曲時友鴻將之任滇南

愛汝園林迴貯春板橋流水碧粼粼疎梅照影斜臨

檻好鳥啼聲側向人萬里壯行須縱酒三都擅賦莫
憂貧多年不聽秋郎曲且醉尊前一闕新

送張友鴻司理滇南

萬里昆明道脂車賸欲經滇南正新造君去慎輕刑
江雪寒行色梅花落驛亭懷柔咸 聖澤須使念

朝廷時平藩專制滇方不復知有朝廷

客中見海棠有感

它鄉又見海棠開故國花前燕子來苦憶庭闈趨侍
坐共憐芳影月徘徊繁紅匝樹垂應好獨客頽年滯

不回吳水秦山四千里生涯節序莽相催

吳六益池亭看花

戀坐花前柰爾春池邊一樹最留人多傾沈碧開青
眼更惹飛紅臥綠茵

其二

春來閒卽到君家不看桃花看李花賓主全忘無禮
數少錢買酒也須賒

其二

松江十日九風雨無雨便因花事忙野水板橋籬舍

外醉將跣足踏滄浪

徐文在西余山居

修廊百級曲逶迤步到山腰總未知三泖澄光搖放
眼九峰碧色對銜巒穿階竹筍青青出緣木薔薇的
的垂地主能文兼道氣看雲取醉更何疑

信宿董得仲東山草堂

在松江余山下

夙昔聞吾子常年臥此山水光遶茅屋峰翠落柴關
著作應能富花時迴得閒到來貪勝賞累日未思還

雨臥

連雨貪晨臥陰泐黯日華傲居常在寺久客豈無家
苦竹低垂葉辛夷晚著花夜來千樹溼愁殺未棲鴉
雨不絕懷友人浙中

淫雨如愁緒纏綿無已時佳人隔吳越千里重相思
高臥過旬日春陰滯百爲江湖泥淖滿飄轉况多岐

晴

旭日九峰晴檐前亂鳥鳴今朝還早起興發爲春明
殘霧晨光溼遙天碧色生青郊應得出流覽放吾情

軍城雷雨晚霽

朝雨軍牙暗橫斜萬道飛奔雷翻碧漢激電驟金輝
稍覺城陰散還看海氣歸天心迴仁愛向夕更春暉

登秦駐山看海

萬水走東南積流蕩坤軸言登海上山一放空中目
一儀忽混合島嶼紛噴沐茫茫何終極浩浩見容蓄
蓬萊三仙人凌波騎白鹿舉手招我遊欲去身多肉
回頭顧城市攘攘傷局蹙願從狎鷗人開襟洗煩燠

其二

秦皇并四海飛劍騁雄略窮極世上欲還希神仙藥

長城既西築驪山亦東作鞏圖思萬世民生咸蕭索
巨橋那可成臨望心旁礪輶車載臭腐馳道空寂寞
徒令鶴上人大笑入寥廓

秋日客石門却懷雷霖公明府因及鹽官泊處
停居借爾行春舫十日淹留大海邊萬戶臨溪開水
檻千錢損俸給魚鮮明粧幾處浣衣女采吹誰家迎
婦船回首高秋思正切孤城風物總依然

得家書

邗上家書至慈親病未瘳問安身恨遠縮地術無由

藥餌貧難得違離歲又秋何當起盧扁誰欲覓公侯

憂舍弟

高堂胡不念所事屢堪哀身範真吾愧佯狂負汝材
艱虞此何日憂患伏多才痛哭關弓射圖終冀一回

辛丑立秋日述懷

春光曾幾時秋風忽然生唳鳩不在耳寒蟬樹間鳴
前日新綠葉腐落爲流螢二曜不相顧歲序潛代更
客行覩此物耿耿使心驚人壽少至百在世各有營
我生隨其閒一事尚無成懽樂邈無攀愁思常與并

鬢髮雖未白少壯已徂征昔有陶弘景四十棄榮名
入仕北游川解維今方行何時展懷抱喜見泰階平
君親可報答投簪事躬耕二鄧不卧隨效乳誓分車
閏七夕
天上烏橋應更駕人間鳳曆又新秋千家乞巧重陳
果一歲穿鍼再上樓露重碧天氣欲下月明雲漢聲
西流吾生幾度逢今夕且把青尊蕩客愁

金陵納妾夜坐燈下有感

弟瘵仍失學母病苦難支嘗膽愁無補爲權豈此時

貧家更益累良夜轉多思萬慮煩胸臆遲迴鬢欲絲

其二

無兒過少壯親意急徵蘭卻念閨中婦牛衣泪未乾
錦衾遲不就華燭坐將殘多病臨邛客橫琴彊一彈

閨夜

玉竿殘雙酌青燈照二更人歸錦衾臥月上綺窗明
述別

石城有好女十五方盈盈歸我未廿日別汝事遠征
行李亦已具分手在斯須含羞不成語微顰整羅襦

纔爲鴛與鴦旋逐萍與梗心折合權花目斷孤鴻影
權娛良可念王事亦有期及此趨就列豈敢戀重
帷朝登木蘭舟暮泊城樓下古堞隔新權氣黯江天
夜高樓吹玉笛字字斷腸聲一夕清溪曲相思白髮
生

西風

別離已昨日往路去如梭吹我帆檣急西風柰若何
擬閨情寄行人

聞到秋江口停橈未挂篷郎舟總不轉妾感石尤風

停舟毘陵與友人別

梁溪秋色好與子且同來此地仍分袂何時更舉杯
微吟雙泪下細雨一船開悵望孤帆沒鄉心賸欲催
與小妻寄秋衣

有客金陵去緘衣寄汝邊離居念寒夜獨處惜芳年
世路今如此男兒竟可憐閨中那盡曉只恨不言旋
虎丘值友人泥飲

虎丘遊冶地來此及秋光與爾忻相值開尊卽故鄉
哀歌激流水急管發清商誰忍扁舟裏空悲秋夜長

秋氣

秋氣橫南國蕭森萬木悲
正當離別日又是斷腸時
獨鳥歸林遠孤帆落照遲
征衣寒漸薄搖落負佳期

舟夜

吳酒綠無賴孤燈紅可憐
悲歌當子夜長嘯入江天
身世干戈裏舟航風雨邊
蕭條雙劍在倚酌伴無眠

奉贈錢牧齋先生

當代文章伯歸然魯殿存
崔巍瞻嶽表浩蕩挾河源
譽望千秋重乾坤一老尊
虞山雲物好詞客簇金尊

其二

秦淮倡和日回首六年餘
椒酒迎春至梅花照歲除
書生霑緒論長者枉高車
嚮往懷真切重來願不虛

青浦舟中

吳水過青浦清泠喜殺人
客心有如此雲月坐相親
蘩藻澄堪摘魚鰕見最真
鬚眉苟不愧對此可垂綸

十四夜舟中看月

秋水江湖白宵征厭苦辛
扁舟今夜望華月異鄉新
歲歲看皆好輝輝意獨親
高明賸相照應亦愛吾真

牧齋先生
必讀此詩
天運所之

復到松江贈徐武靜四首

去茲忽五月每憶共春杯棲泊成吾懶艱虞惜爾才
交情期可久人事日多猜且趲蓴鱸美相思更一來

其二

苦思徐孺子磊落萬人豪一見淡吾愛經時念汝勞
心胸狹湖海賓客到蓬蒿痛飲應埋照蕭蕭有二毛

其三

只應日高臥與子看青山親老寧辭出交多亦累閒
貧窮千計拙喪亂一身艱歲月風塵裏空令損客顏

其四

山居仍不易世路亦多岐憂患常如此吾生更幾時
浮沈憑造物坎壈付銜卮斯意君應解凡庸盡可師
中秋至松江太保梁大將軍招同諸子宴集待

月是夜天更澄霽余明日即別未忍遽言故
人情淡劇懽終不勝離思坐上成一律越

日乃書
卻寄

幕府秋高桂影團華筵集望暮雲端莫愁苦霧三更
溼自有清輝萬里看光射巖城青嶂出燧銷滄海碧
天寒笙歌永夜須沉醉明日相思道路難

中秋夜有憶
故園家舍在西秦
桃葉高樓寄水濱
兩地月明何處
好都將秋思向離人

中秋野泊看月卻寄呈梁太保公

萬里中秋月經天
迴獨行卻移綃幕照來傍
戍樓明
善下容光入無私
衆望傾雲霄
圓滿處翹首不勝情

秋夜舟行畏盜口述

江湖羣盜正縱橫
短棹中宵向此行
飄泊孤踪千慮
拙蕭條行色一身輕
催寒勁颼清秋急
多病高堂白

髮生書劍半船堪
自笑爾曹應不愛浮名

瓜洲夜行

渡江日已暮
覓舟瓜步口
渡頭兵方集
得船大于斗
置身行李間
轉側時礙肘
乘月下維揚
竟夜牽維走
仰臥看星辰
歷歷皆可數
岸黑盜賊繁
弓矢持在手
白露下如雨
重綿寒不厚
辛苦與險艱
出門歷亦久
君親未報答
此身豈我有

風急

風急江聲惡
將歸復此行
雙橈迎浪弱
一葉付身輕

安穩漁人宿飛騰雁鷺驚宦途險過此耿耿念平生
再到邗上畢國兆招飲席上作

廣陵秋色好與子共金杯去茲忽周歲又隨秋風來
故人一祿食遺我如塵埃吾子意何厚惓惓獨愛才
黃花垂欲放編籬閒古梅初過華軒爲我出藏醅
夜闌霜月上耳熱清歌行此殷勤意頓令懷抱開

冬至

冬至邗江上陽回客未還思親無限夢夜夜入潼關

寄贈王思齋納言

聽漏趨青瑣題書上紫微秋晴封事案香滿侍朝衣
獻納賢無尚夔龍任不違公餘吟詠積略識諫章稀
贈劉彥度

寓處大江間蕭然遠闌闌茅堂過碧水書榻隱青山
結客紛馳譽爲儒迴得閒濁醪新釀熟此物駐朱顏
其二

昔過蘭水道常憶五泉遊瀑雷千巖落繁花萬木稠
舊家在河上逸興滿揚州致主年初壯功名在一收
去維揚畱贈居停主人

停茲不謂久忽然兩月餘主人未會面高樓借我居
淹濡不見迫臥起得干徐虛明俯環堵開窗展素書
坐延華月好嘯入江天虛顧慚王子猷種竹成森疎
高義固難忘臨去爲躊躇

谷口山房詩集卷之八

苦吏集

邀遊江南意興頗適以選法忽更寄憑辛丑冬尋授河間在邗上聞除乃遣使歸取身事南往就停寓開封候以之任自殘臘及上春途中及旅次間有與友人倡和之作迨二月抵瀛郡則案牘填委筆墨塵閣以至癸卯丁先繼慈憂謝事止七首而已吏事苦人性情窒塞于此亦可見矣先後凡得古近體詩二十四首

涇陽李念慈劬菴甫著

蘆龍雨宿次王築夫韻

時自邗之任河間

旅舍天長道征車信宿安夜寒雨來急人語夢回殘
疆學攜青帙登車畏素餐長途好朋友淒冷未爲難

雨止曉發

天長寒雨歇鞍馬度孤城泥滓凍猶合清霜人蚤行
寒林棲鳥起初日曙烟平五斗消非易馳驅念此生
汴城

稍覺塵廬集茅檐淺構同泥淤猶擁塹沙起易隨風
荒畝新科稅長河漸罷工此方冬少雪蒿日歎哀鴻

泥沙

水去泥沙在因風撲面狂天中變荒漠日氣易昏黃
節序迎新歲淹留復此鄉茅茨聊假寓故老說汪洋

汴城守歲

守歲復中州荒城客滯留行藏照殘臘心緒入春秋
去路猶迢遞官場易悔尤此身漸拘縛回首羨輕鷗

壬寅元日開封初度

時將之官河間停此待家信不至

堤柳春風起河干曉日紅蹉跎初作吏轉逐欲成翁
客跡年年慣椒盤處處同家書遲不至徒倚望來鴻

初月

初月挂檐前纖纖劇可憐開雲纔此夜照客又新年
憩止當殘臘家書望上弦生明尚微細容易隱青烟

穀日開封作

人日穀日晴皆好私喜民生十歲華四海征求愁郡國廿年兵火廢桑麻河邊麗景來黃鳥雪苑春風起白沙豫兗江淮潁水旱流移多有未還家

春日開封思親作

一別庭闈道路長况逢春日倍思鄉遠辭江水臨河水近望涇陽隔洛陽

春日開封懷杜蒼舒南申

君言歲暮向江湘我獨登車次大梁時時把酒望吾

子處處逢春非故鄉飄泊每憐生計拙馳驅且喜客身彊久貪彩筆凌雲氣莫負青山對草堂

春日開封雪晴都平倩招同孫晶如李于郊飲集

雪霽大河濱陽和節候新風光來伴客天氣漸宜人勝友忻聯席春盤厭五辛持觴弔枚馬舊蹟半沈淪小獵荅王築夫見贈

雕弓初燥紫騮肥雪盡平原好合圍狐兔成擒聊復縱豺狼若在未應歸

途中

薄祿催行役中途留至今矜莊對人吏束縛減登臨
詩思隨春發鄉情較宦深何時遂疎放丘壑恣長吟
不回

咫尺秦關道中途竟不回一從馳使去終日望書來
令節春燈逼荒城暮角催宦情吾懶散棲泊意遲迴

春日平臺懷古

草綠平疇濁酒香荒臺一望斷人腸孝王去後空陳
跡賓客誰還入大梁

客夢

梁苑昏鴉集歸雲未可攀鄉心當落日客夢入嚴關
應接從時態愁思損故顏腰躬垂欲折回首媿青山

春日開封故周藩後山子晚眺有感

近卽藩府舊垣著棘

爲鄉闡地山子正當其後望見一城

故國青山在登臨客思繁頽城猶斷續孤塔自朝昏
茅屋歎新聚棘闈因舊垣太平曾及覩烟火此中原

肅寧道中

碌碌無才吏勞勞善病身真應信朋友貧不贍家人

小縣銀桃熟平疇玉黍新經過問父老恐此有冤民
歲杪蚤發靜海

小邑發凌晨長河望若銀霜風急殘臘頽柳未含春
厚凍堅過馬方牀滑度人屢逢催案牘飛檄自天津

陳都閫座上集同陳藹公醉歌

對爾能無醉高齋卽故鄉那知近愁思忽發舊顛狂
祿食身何補江湖意不忘著冠偶欹側非敢擬襄陽

其二

易酒涓涓淥春鐙的的紅將軍真好客談讌坐生風

新月來池上清歌發夜中全忘身作吏罄折此腰躬
外簾役歸新城道中逢九日有感

天涯又見菊花開處處看花旅鬢催廿載爲儒慙下
駟一行作吏罷登臺燕山秋老西風急故國魂銷北
雁迴聞道荆襄新戰鬥萬山霜角夜吹哀

春日擬得奔喪里門

秦雲應日近慟哭路紆迴竟被微官役空遺罔極哀
杯棬傷再廢祿養願終乖老父愁相望登樓日幾回

別南鼎伯郡丞

豈期瀛海郡與子得同官話舊時聯轡鬪不著冠
交情新廿載別恨赴千巒熊軾行應蚤重逢問謝蘭

時鼎伯冢嗣
未立故云

谷口山房詩集卷之九

居東集

丁先繼慈憂奔喪有日以在任時平反之
件被誣不已復檄赴河道總督審結甲辰

二月却赴山東承讞及至者咸顧畏刃告莫肯
為直往復批駁來往濟竟問至乙巳春竟枉抑
定讞會京師地震內庭肆赦詔下遂一
切註銷乃得謁聖廟登岱嶽復歸河間寓居
經歲居東幽憂患難悉見于詩雖小吏微末不
敢託風雷自况然孝婦之冤致旱三年亦不可
謂非冥冥中降鑒有遺也先後一年
間凡得古近體詩二百一十四首

涇陽李念慈劬菴甫著

赴鞫山東濟寧道上作

又有山東役春歸計復停

予西歸有日忽有茲行

行藏慙岱嶽

世事問滄溟魯酒過清汶楊花落濟寧仲連如可作
吾與共郊坰

杼聲

杼聲殊不惡札札鳴茲堂敬問汝何人勤業乃不遑
荅言本遼籍先朝移此鄉主人有官職中年謝戎行
及今雖云老筋力猶骯髒在朝多舊姻富貴盛輝光
屢招入旗下仕宦立可將主人大室礙辭言鬢已蒼
門戶終蕭條守此有何臧流寓四十年薄置田與莊
辛苦事耕鑿屢屢遭兵荒連歲幸豐稔差徭急莫當
穀賤鮮好值吏來輒倉皇命我執此事又非玄與黃
織棉作粗布賣爲賤者裳五日成一疋十日兩疋疆
歲熟布亦賤所獲誠有量爲計良已拙主命不可忘
我聞此語笑此豈汝所明

東土

東土如吾鄉民食重小麥大磨重十鈞盤轉聲若若
得寓鄰斯房朝響夕未斲倘有機杼鳴交亂成紛曠
客至語不聞顧笑蹙其額僮僕苦喧聒謂當急遷易
我呼謂僮僕汝輩見識窄人生資羣作衣食况本策

不見兵火方男征女罷緝有機但倚牆春杵亦閒擲
此邦生聚繁幸未遭蹙迫各得勤職業豐豫由斯積
兩者信良聲我聞心轉適入室開攜帙一卷手自摩
巡檐行且讀高聲出金石以茲差相荅昏黑未忍釋
倚戶更吟詩月高虛窗白

芍藥

芍藥雕欄裏君家盛幾叢折來猶帶露注處迴畱紅
坐愛明鐙夕看傷泪眼中故園應盡落小閣有薰風

櫻桃

濟上櫻桃熟紅于客泪多思親忍嘗此欲致遠如何
寫著青荷葉分貽玉叵羅傳頌懷近古蕨飲散鳴珂

登李太白酒樓

狂風吹行李東到酒樓邊酒樓何所在乃在濟寧南
堞之東偏朱丹如霞空中起綺疏畫棟凌飛烟青蓮
豪宕世無有吟詩百篇酒一斗四明狂客賀知章未
著黃冠爲此守相逢載酒城上樓賓王懽然杯在手
飲酣顧盼臨八極俯視蒼茫盡芻狗賀守誠青眼太
白骨絕塵世人那得似號曰謫仙人謫仙弄月騎鯨

去此樓得名常高翫我來懷古拜遺像欲呼與飲不
得語賀公歿亦久鑑湖那可求自攜一尊酒來飲樓
上頭左攬泰山色右瞰澄湖流遠望漕河檣艫連千
里近視南池碧水清悠悠任城內外百萬戶往來攘
攘各有謀百年曾幾日哀樂紛相投風塵袞袞素化
緇顧我在中何時休願將前池變美酒澆我胸中萬
古愁

南池

杜老詩篇垂萬古留吟當日此城隅清狂裘馬今誰

是浩蕩風流世有無官客張筵喧鼓吹野人憑弔愛
菰蒲行歌日晚還深坐倚望高天片月孤

鐵塔

在濟寧城內鐵塔寺土人傳爲海眼先歲
連雨數月遂訛言某日水當從塔下發民
間皆具筏
以待云

何代銷兵處丰稜鐵塔存蛟龍迴氣勢風雨鏽苔痕
層檻如堪陟高標迴出藩可憐傳妄者測海惑深根

居東

在疚身仍客居東事可哀眼枯知泪盡家遠阻書來
影直偏遭射珠明或見猜三年常道路日覺壯心灰

大風

大風欲拔木山雲駛于馬凍雨迎客來衣裳盡沾灑
衝泥行十里暮宿岱宗下那遑檢行李且復問杯斝
村店茅覆屋齊俗豆作鰲敢辭湫溼逼聊免風雨打
時方尊荆棘世久賤梧櫨直行良已愚學疎識蓋寡
攀芳徒滿掬采萱不盈把舊林儻得歸有廬在東野

雨後宿岱下新莊

向暮及新莊山村四月涼到門收草笠秣馬間牛羊
亂石泥牆穩新椒入饌香憚人初復業有吏計開荒

其一

茆屋低巢燕山溪曲趨人祇因長道路不敢賤荆榛
白酒開藏醜青葵借比鄰岱宗當戶碧雨後更嶙峋
濟南道中馬上懷張梅菴太守南鼎伯郡丞

不敢念榆枌孤征背夕曛鸛巢高樹見雉雒麥田聞
瀛海同官好交歡一歲分濟南千里外回首悵離羣

答主人

朝讀聲出戶夕讀鐙照帷主人驚相問讀此更何爲
愕然謂主人胡乃出此詞聖賢有至理典籍森昭垂

淑身及濟物其道咸在茲晚世習帖括視爲科名基
一朝登仕宦弃之忽若遺入官欲行道豈爲好爵縻
我本廉吏後幼攻書與詩頗親名理趣敬業日孜孜
所恨貧窶迫不得窮按披親老需奉養祿仕焉敢遲
效人作闡牘幸錄郎署司新令忽外授出爲郡士師
前年任瀛海其郡號衝疲十田九被圈百姓絕生資
良者爲傭佃劣者爲偷兒黠者事雀角健訟無已時
人家儻饒裕羣起詐剝之谿壑一不飽貝錦立可期
窩逃與匿盜任意成飛辭獄吏畏其鋒貶法相詭隨
善良那得直忍創獨含悲我性太迂梗按法悉繩治
窮民稍安堵我身乃轉危竟被含沙射經年逐拘提
身名雖未玷威儀豈盡持反躬懷往哲濟難或異斯
誅卯未邁患阨陳不終飢豚魚亦可格兇頑寧俱存
必先安厥身迺可濟蒸黎一出逢顛蹶終焉學有虧
以茲常黽勉永言企令規

移寓

不獨避炎蒸喧煩性豈勝書聲宜在寺蔬飯每同僧
爲客殊王粲畏人比李膺艱難淡道力疎拙竟何憑

其二

夕照下城頭僧房暮景幽吟風雙樹老遶屋一泉流
難斷杯中物思爲世外遊問知薪米價既賤復何求

紀事

僮僕來市上今朝米倍錢薰風方四月霜打濟西田

其二

二麥欲登場一霜盡垂頸怪彼廿四朝重棉猶覺冷

五日

甲辰五日客濟南卻憶十年此日癸卯在保定壬寅在天津辛丑在湖州庚子在平陽戊戌在京都丙申南昌乙未淮安惟丁酉巳亥兩歲在家耳且丁酉亦自江南前一日

方歸至也屈指十稔八年于外白雲親舍觸節興懷益不勝愁慕云

濟南僧舍逢端午回憶前時耿歎嗟處處蒲觴從土

俗年年萍梗滯天涯庭闈迢遞愁無奈歲月飛騰鬢

欲華何日耕田少蹙迫斑衣摘進柘榴花

奉贈前諫議孫忞庭太常

時太常家居

水閣微涼進山堂永晝遲榴紅方照酒荷碧更盈池

謙集雲霞客天人姑射姿屏題久標列家食暫委蛇

偉議羣推陸歌風獨命夔勛追三古上交際太平時

玄髮釣應秉朱顏駐可期鳴權從旅進頌德愧蕪詞

趵突泉

名泉何突出噴雪射高城濤湧三堆壯珠聯萬竅并
伏流培氣力搖漾怪晶瑩地軸吹應轉蛟潭瀉不平
諸村霑灌溉盡日聽璫珩萍藻三冬綠風雷五夜驚
降臨迂仙客吟賞集公卿薛沒前賢碣題繁近代名
總多歌膚沸誰與表澄清坐愛滄浪晚空然愧濯纓

白雪樓

中原顧盼他年盛白雪高樓剩水涓詞賦薪傳千載
事才名身際太平時滄溟日月過窗急泰岱風雲入

檻遲書散樓空春寂寞荒郊蔓草不勝悲

泛舟明湖

湖在濟南郡城內西北隅大數百頃居民分有之種荷營利各樹蘆以為
畔域可行者止官河一道纔容小舟由河至
北城下玄帝廟基最高可望一城及城南諸
山

漱灑諸泉匯輕橈一道行雉牆圍亂綠蘆吟礙空明
魚藕千家利風涼五月清新篁誰院落艤艇有餘情

其二

高臺祠北極登覽繫遊舫廢府殘紅壁連山壘翠螺
荷花浮鏡出雲影掠湖過一曲如容乞為塘豢白鵝

寄懷周元亮先生青州兼有所託

名臣領節暫青州望繫 朝廷舊遠猷持憲無端遭

左謫能文有意砥中流雲山虛白當高署凍雨吹涼

入海樓更酌甘泉調藥物駐顏豁目復何求

其二

治下臨胸馮副使公字宗尼諱士標臨人公同年友也昔監三輔有

清音邊城並馬吟詩苦馮公備兵莊浪時念慈在其幕中湖海騎鯨

歲月深後遷閩以連遊西有母尚存霜雪鬢知君不

易死生心一縑遠奉無他物藉致桑村碧樹林桑村馮所

居也

不雷

高天乖號令五月未鳴雷颯颯遊無畏蛟龍蟄不回

炎蒸苦相逼岱色青悠哉氣暍山東道浮生大可哀

夏日候鞠東郡答小妻索單衣效香山體

欲製單衣待一金徹棉作袷汗淫淫今年月閏遲節

氣且耐初炎到夏深

就寓黃洗洲草堂

驕陽午不轉觸熱經高丘毒蒸灼肌骨病根滋可憂

官牒有程限焉能少憩休蹇驢疲欲臥策叱乾我喉
千林木葉靜微風那可求竟日百里餘向夕及城樓
黃子遣使者伺候迂道周左手牽我驢右手指東頭
土人有草廬命我相邀畱愧之大厦宇聊可繫行騶
板扉進行李深巷避喧咻用情困厄中斯意良獨優
解衣趨且進喘定氣平柔灑埽糞穢積似祛煩熱湫
縷割窗紙密頗納疎風幽飲茶清香進臥簟暍病瘳
偃息快志意如寒得重裘終思刷勁羽矯焉凌清秋

茉莉

客寓羈縻田江船茉莉花買看愁眼破置映月簾斜
素小宜簪髻清香屢試滌數盆春載去曾否到山家

春時曾以
數本寄家

濟寧聞蟬

飲露誰憐汝吟風空復煩厭聞當暑熱獨坐憶林園
身世同置兔憂思泣檻猿卑飛仍不免緘默任乾坤

蟬

愧無騰遠翼不敢望聞高急響如多訴哀鳴祇自勞
凝陰風正急抱葉影須韜旅寓增煩熱繁聲柰爾曹

偶作

山鬼上天門諸神爲奔走射工變蝮蛇赤雲駕蒼狗
有懷邑西劉氏書屋昔遊諸子卽東淑止肯獲
河邊書屋同懽笑年少清狂頗一班宦跡羈身何日
罷風光娛客幾人閒環門綠遶潺湲水壓屋青來巖
業山鬪酒聽濤如昨事那容相見各蒼顏

濟寧僧恒公墓修藏經閣成

恒公杖錫歸行淡願滋廣傑閣募重新規畫加始剏
檻升東海日窗攬南湖漲丹碧耀古今風雲幻奇狀

如聞龍象吟千秋護真藏

霜

四月霜倒稼六月霜殺苗下民莫肯畏天怒何時消
其二

驕人正揚揚帝憎伊誰者禾黍亦何辜盡伏嚴威下
夏日羈濟寧汪惟肖吳璧如舟之二子邀出郭

蔬飲

故鄉不得去寸心容千憂素冠逐徒旅蛛絲織未休
好友憫我疾邀爲出郭遊疎豁開啼眼高楊蔭碧流

竟免溽暑逼還尋梵宇幽蔬飯慰我飢青尊澆我愁
方期話及夕吏人走相求倉皇入城去騎驢脫轡頭
三子色爲悵心感焉能留丈夫遭羈勒動止那自由
相戒爲仕宦直道非良謀東海有達人飽食狎輕鷗

蝗

飛霜自北至飛蝗自南來青苗一夕盡野田起黃埃

其二

農夫走倉皇臨苗囑汝蝗此田新丈過寸寸有租糧

其三

種田禦我飢成苗反飼汝我飢猶自可租急鬻兒女

其四

東有捕蝗人西有捕蝗人蝗多捕不得哀哉東方民

荷花煎

瓶荷亦自好根委恨不全窗風一披拂灑落琴書閒
晨起掃我几未忍竟弃捐煎食雜蔬飯色香勝諸鮮
無由致老親把筯意惘然

李燮五州守招飲值雨賦謝

李白樓高俯碧池任城能守此相期淡情好我居東

日清酒開筵喜雨時織錦含沙那足恨看山臨水正
相宜新詩未可明公賞盛節須教許簿知

雨

城上青雲怒忽繁乘風行雨灑郊原薨飛蝗子應教
伏蝗到處生子乾土中旱十半死禾苗儻可存南國

萬艘困輸輓東邦千里長煩冤何當舊路尋霑足農

唱舷歌慰至尊

濟寧羈寓喜計甫草至

今朝何太幸快友入門來失喜成疎禮邀留便舉杯

詩窮工力苦別久鬢毛衰吾道無常偶艱虞未足哀

其二

無限吾徒事同傷歲月馳飛騰他日遇摧折長年悲
天豈遺駢牡人猶染素絲岱雲高不落相對一銜卮

示甫草

吾生學聖賢功業當不朽所期既多乖文詞豈云後
有言皆藹如足以觀所守吾子富才名論人頗不苟
蟲吟謬見推匪自通交后既見旋成別七年如卯酉
當我官河間君過反疾走迨及憂患中枉存話喁喁

說詩必真率諮諏到矇眙人生真相知那能無薄厚
近今視一概彼意各有取結交爲聲譽本不爲朋友
方其旅進時何意計好醜紛紛吠聲者目不辨可否
奔走好名家希潤榮杯酒論詩動盧王稱文盡韓柳
諛者旣妄稱作者忍自負一朝失勢利反脣相擊剖
我遇此輩稱心輕顏有忸昔與孫豹人責善稱敵手
辨論苟未服厲聲卽在口後遇施愚山擿瑕亦多有
兩君信益我心感乃永久願子更直言我望如瓊玖

濟上見西風有感

西風昨夜灑郊原每見西風憶故園
儻荷君恩許歸去菊花時節到柴門

甫草貽墨

辱贈藏烟如璧圓漆光堅好象文全
端州紫玉磨秋水學寫黃庭道德篇

三絕句示計甫草

精淡久愛施叅政疎辣無如孫豹人
甘苦自知千載事論文直率正須親

施愚山聞章
孫豹人枝蔚

其二

築夫養氣如傾瓦雷大刊華必祖經灝博河濱苦牙

廣可憐此道比星辰

王築夫巖雷伯顓
士俊李河濱楷

其三

少年鄙事偏馳驟老大空殘未學悲生理茫然須薄

祿讀書聞道嗟何時

過恒止人荷沼

恒公子同鄉人

恒公結茅屋疎豁傍城陰碧沼無塵院蓮花不染心

清時逃世網鄉語念同岑坐覺浮生幻空知海岱深

羈寓三首

羈寓他鄉遠三秦使未歸

自春遣使代
省至今未返

炎蒸罷人事

久客掩荆扉雙燕踟躕去孤雲自在飛劇愁愁不得

冥坐忽忘機

其二

小簟竹牀橫攤書六月清詩將日俱積心與道微生

愁愕過無著榮枯遇可平夢回窗月白唧唧壁蟲鳴

其三

風檐一卷開身世何悠哉獨坐瓶花落微吟山雨來

坦懷真自適愁髮任相催故國他時返躬耕臥草萊

午眠

故鄉落日際客病滯滄洲一身在羅網萬事莽悠悠
艱虞非所畏恐遺老父憂東土雨足禾苗長河間苦
旱那可當寄寓僕妾繁食指歲飢何物克空腸雖有
舊僚給升斗口腹累人豈可常况復房租又滿期催
索那免聲在堂古來聖賢多局蹙餓死非罪豈我辱
痛哭無益徒自傷把書高枕北窗讀微風動樹日亭
午書落胸前睡已熟

贈高生

高子柴門老貧病挫心神脫略遺世法澹然契我真
文章猶爲貴者貸一生未遇獨酸辛偶然相見豁愁
眼未須往還效衆人

立秋前一日王蘭垓水部招集署齋二十韻

司空開宴近秋天玉盃冰壺清可憐大部分曹籌濬
築澄湖積水濟樓船堤金高砌千尋岍噴玉清流七
十泉北舸連檣爭盪槩南舟銜尾共鳴舷當關令簡
心無擾都水官閒竿屢傳憶在繕司觀政績卻逢沛
水誦詩篇招要爲謝軒輿縛傾倒忻從禮數偏雲白

岱宗寬雨露地當鄒魯聚才賢天倫美擅蘭亭盛弟

子名高馬帳寨時在座計子甫歌度吳歛聲死轉酒

行南釀色清漣芳園更啟延佳客桂館重開醉謫仙

曲沼幽通翡翠屋名花嬌映水晶簾投壺日日乘佳

興揮塵時時入妙詮賤子愧聯工部座華筵劇費水

衡錢青雲惡夢繁陰下素幔傷心落日邊時余方丁先繼母憂

以被誣不得奔喪閱世悔尤傷在昔禁愁心力弱今年文詞

坐羨千金賦武勇兼開十石弦水部氣力絕倫才器

如公當努力徜徉為念李青蓮

立秋日濟寧作

此日秋風動井榦羈心鄉思共漫漫坐貪明月遺殘

暑卻倚微涼愁沍寒郡國樓船催轉粟江村鮭菜憶

垂竿蓮花仙掌金天外岱嶽青青實飽看

七夕愁雨

羈棲不得歸一室困俯仰北風吹寒雨夜滴空階上

出門盡泥塗跬步阻來往連綿到七夕塵霖更莽莽

竊恐漲波吹天河滋深廣牛女不得渡佳期空悵惘

獨坐

雨氣交虛碧繁陰礙日光今宵好明月斜景入蒨堂
暑溼潤殘夏星河低上方多憂渾不寐獨坐納風涼

天河

居高不潤物斜影亂青冥四序渾能轉晨光自隱形
亘天飛匹練含雨阻雙星何日乘槎上雲霄瀉建瓴

登太白樓

粉堞青雲裏朱樓白日邊才名虛震世詩酒悞留仙
岱嶽高終古滄溟納萬川壯懷多感激牢落夕陽前
雨

暮雨何微細冥冥赴客愁驕身交暑溼病體望清秋
僮僕情類異親朋問蚤休催眠懷酒德禮法是吾憂

濟上秋興

海濱百里禁人烟廿載軍興閩越連夜月千村明瓦

礫時近海居民皆徙內地村舍丘墟秋風萬壘伺樓船將軍列幕皆

崇秩郡國飛儲委逝川聞道銅山新掃蕩漁鹽廬舍
幾時還

其二

潤州扼隘事全非養寇憑陵到采磯颯爽梁公三素

略奮清江國一戎衣捷書宵奏回鸞馭飛舸星追挫

鯉威氣奪遊魚惟釜穴論功爵土亦應歸梁化鳳鎮

江寧破海寇于白土山旋又勝之海中僅進秩提督

其三

連雲戰格列荆襄秦蜀兵屯萬幕疆餉檄屢飛騷郡

邑欵書新奏入明光島邦內附真無外歲幣西歸亦

有量薄海只今齊解甲閭閻騎馬豈須防時禁民間乘馬又方

用兵西山

其四

千山肅氣急風颭留滯飢寒愧折腰禮數新教參衛

霍官方渾欲付曹蕭荒蒲白露還愁溼叢桂秋原蚤

見招回首寒空天萬里歸鴉無數碧雲高新更定文武儀注又

吏員有保舉得為印官一例陞轉

其五

旱荒徐竟罷農功閩楚災傷報疏同禾穗萬家乾隴

上漕河干艚困泥中憂思淚盡看雲日破屋茅飛落

木風道路已聞多草竊時危真羨白頭翁

身世

身世緣爲累經年事此行狂愚悲往日憂患試平生
高枕休人事淡居見物情交遊應漸省福性畏多撻

可憂

可憂渾在眼萬感入秋繁殘暑蒼蠅出高牙獄吏尊
海雲朝變霧山鬼夜窺藩歸夢秦關遠空迷旅客魂

微雨

微雨風涼進清秋客思淡亂蟬無意緒獨雁有哀音
笑語供人面艱難驗道心望鄉歸不得行坐一長吟

桔槔

橫木施高竿垂梢連素縷規石墜其根引瓶出碧井
軋軋鳴溪院颺颺凌朝景抱甕亦何入身勞機乃省

感物

皎皎蘭蕙花香烈異羣芳移植乖所宜迎秋見凋傷
蒺藜一何盛離離生我傍蔓延矜雨澤著花繁且黃
回頭看兩柏挺幹更偉長高標知氣肅慘澹愁清霜
亦復結苦實盤俎非所將終得雜蕭鬱苾馨達穹蒼

懷汪茗文指揮

茗文時謫官任
兵馬司指揮

風雅未衰熄鼓吹容我徒汪子文章士其行希醇儒

谷口山房詩集
三年居謫秩都下城北隅簿領到瑣屑薄祿養妻孥
職小頗易稱萬卷開自娛日斜關寓門書聲聞街衢
同調復數公切嗟事操觚力學真爲已見道乃良圖
仍須善匿下高名亦禍樞我今在憂患終然被狂誣
往來濟竟間飢餓身卒瘁恐爲汶陽瘞不得奉楷模
書札久濶絕知君平安無相思一引領流涕聲嗚嗚

夜熱

湫室熱無寐終宵坐鬱煩微風城外來喧呼聞開船
憶昔遊吳越畫舫泊清川篷窗夜不閉月照羅幕眠

雜花垂作毬皓魄相與圓涼颺入臥內芳香襲枕邊
四更逐羣舸緩吹纜徐牽平江無風浪日高睡猶涎
自從爲官役舍此踰二年今茲遭更奇厄苦相糾纏
一身如膠舟欲動不得前其樂恐難再淚下心茫然

漫興

野人甘藜藿飽食無羈束高門競紛華奔迫自驅督
歷觀治亂原實惟奢儉屬古帝帷書帙先賢飯脫粟
胡爲逮吾儕危身逐嗜欲意氣矜揮金高筵誇饌玉
美觀與競勝諛羨相荼毒時流窮奢忙君子守儉足

豈惟舒財力因之風世俗澹泊苟能忍何事干榮辱

其二

佻佻聰明士論道晰秋毫揮塵生風雨博辯誰能撓
所行乃多忤曩說何其少不結實回首愧蔚蒿
古有抱朴子聲希德厚行在踐履虛辭枉騷騷
當境忘審處我心有鬱陶

偶坐

薄雲弱于綿秋風吹娟娟高空行不礙影滅暮天邊
客身如泥絮鬱鬱經歲年無由附汝去撫景百慮煎

遣懷

不敢死憂憤高堂有老親宦拙生事澀罷職食更貧
猶然遭遠羈提攝走僦僦秋風日夜起吹我泪眼昏
東向濟南道回首望西秦行直誰爲白中情莫能申
僕妾猶爲累得非自苦辛在家所好客急難無一人
顧爲汝輩役營營喪我真菽水可致養耕田樂四鄰
無爲求榮顯櫻觸危其身

其二

北風吹古寺客子色顛顛行坐但一室俯仰增長喟

平生七尺軀顧盼有壯志如何遭羈勒轉折由牽鼻
檻猿不敢啼輓驥無能事憂來匪無端沉吟知有自
衆人工苟容我實爲拙吏信道乃違時初悔知文字
時還手一編窮愁老才思世俗少知己歸山與更亟
梁肉及軒裳回頭等敝屣

林公行

中丞有林公獨肯達民艱督漕過下邳目擊切憂患
千村但荆棘百里無人烟驚問此何故一老涕沅瀾
舉手指荒野先年皆良田自從苦兵火死亡無半存

遺地少人耕征徭猶未蠲存者累復逃閭里皆空村
我老不得去守死待燧年猶復應縣役有時遭笞鞭
今年大亢旱蝗飛來蔽天所至木葉盡菽穀豈能完
有兒牽兵舟前年死河干婦孫賣已盡我命亦暫延
不怨我生苦所悲縣令冤積年欠荒賦累重如丘山
徒然待叅罰東海寧可填我公聞嗟歎吏隸爲辛酸
我昔見此地數月易一官頗怪官守曠今知勢所緣
苟不急蠲貸民命等弃捐毅然爲疏請越俎不辭難
所陳流離狀繪圖奚啻焉雖然奉 嚴綸切責非

各口山房詩集
至尊凜凜疏辭在萬國激心肝

秋宵看月

秋宵還酷暑不寐坐前楹
天宇無窮濶月光有底明
飛螢猶浪出宿鳥自多驚
往路真難測誰憂阮步兵

物候

物候何相逼高秋客易傷
螢流隨大火蛩語入清商
睡自愁來少詩添病裏忙
顧慚未羞澀只有此奚囊

看雲

痛哭還何益天高不肯聞
那堪將淚眼終日望歸雲

蟬咽愁辭樹鴻孤獨念羣
病身驚物候愁思急紛紛

遣憤

秋風吹濟水客子滯東都
都是夏閏季月新秋涼有餘
颼颼北颼勁木葉將辭枝
天地微蕭瑟羈人淚溼衣
茫茫泰山道狐狸向我啼
回首望舊鄉欲去不得歸
天網失鴟鶚雉乃罹其維
直道莫予助沉冤心最悲
卽事撫微躬竊恐墮矰機
有弟尚狂走老父暮何依
哀吟聲一動流恨滿天隅

遣懷

城樓夕日在荒寺掩柴門萬類皆秋色涼風自故園
幽房僧學吹淡樹鳥爭喧留滯傷烏頂憂思見兔爰
悠悠看碧落耿耿對黃昏靜覺詞華費閒知日月奔
頰魚困濡沫病鶴憶飛騫茅屋風雷卷天門虎豹蹲
病吟聞蟋蟀愁坐念黎元何日傾江海周天洗鬱煩

二柏歎

亭亭牆外柏當我北窗前寒風連日夜蕭蕭吹汝難
我來四月初及茲迫歲寒朝欲寒此牖爲汝復盤桓
坐愛後凋姿誰忍遽相捐秋色動天地窮陰蚤見端

造物豈不仁氣往莫能還努力嚴霜中勁骨答高天

復晴

雨過天仍碧新涼著袂生弱雲飄亂絮高鳥入疎清
生理何堪恃憂端屢變更飽經渾不怪忍悉世間情

蜘蛛

巧異春蠶用謀生託一絲飛揚蟲有礙羅網爾頰爲
雨架垂還裊風檐破又施物情殊好惡撲埽任童兒

螢

不自慚微照秋宵款款飛乘陰稍騰上化腐暫光輝

各山房詩集
月暗多依砌風生亂點衣時危妨誦讀乾死舊書幃

秋風

旅食交遊絕端居頗愛閒賞心惟白日獨步見青山
宦累生涯盡愁催鬢髮斑秋風更相迫颯颯爲摧顏

涼風歎

涼風日夜至處處急征輸西南有戰鬪百萬荷戈爰
竹山布營壘道險鳥難逾轉餉騷秦楚負荷出崎嶇
十石致一鍾百金募一夫顛越道路旁多是鄰郡徒
運米良已苦畱滯况多痛驅之探賊穴不敢少踟蹰

進退同一死或變爲豺豕嚴檄更僉點中途多逃逋
縣令親押行夫逃令被辜聞昨五六月暍死半溝渠
客過何所見寡婦啼路隅今茲秋雖爽飢寒更可虞
此役已兩年千夫白骨枯若復遲掃蕩民命豈有蘇
安得干戈靜萬方安其廬我亦歸蓬門深耕樂荷鋤
洗水

濟寧人烟滿有井皆鹵斥市廛雜污穢浸淫昏地脈
瀹茗香味減玉椀失顏色攜童出西門逍遙尋清瀝
小河衆所汲汲多泥狼藉歷歷望高柳持瓶更遠適

谷口山房詩集
窮步見洸河文流裊澄碧相顧成幽賞坐汲橋畔石
我身方憂患清濁豈應擇義不飲惡泉褊性久孤僻
豈因顛沛改臨流愛宿昔

雷

急電破玄夜風雷忽用壯勢拔茅屋翻天地皆震盪
格格裂紫霄殷殷控遐曠天怒不可無魍魎氣悲喪
愁顏乍飛動鬱屈若爲放恨之凌空翮迅逐青雲上
聊爲拔劍舞快意激所向

